



10205

陶山詩錄卷五

善化

唐仲冕

六

南旋集

文餽後病起

迢遞關山奉簡書玉門秋撥待儲胥息肩重負剛教釋

回首輕裝未敢居鐘鼓何能娛海鳥

高潤亭方伯同年招宴

翹翦

聊自療河魚猶懷霍趙勳歎遠小極當從一覽除

遊五泉山

驃騎出師渾邪降阜蘭山下橫戈縱當時士卒渴欲死

以鞭卓地泉淙淙至今灌溉滋沃壤臨洮移治稱雄邦

陶山詩錄卷五

我性愛水愛泉石客游方苦塵封龐旅病纔蘇動吟履

山光直入侵踈窻手扶柳栗登崆峒半巖鐘磬聞錚鏘

無數涓流出細石有時小渡經平砦上嶺漸陟七佛閣

循壑斜倚千尋杠野童汲澗烹茗茗溪女漂褐乘奔瀧

山僧指點山前後五泉分瀉聲琤琮忽談十七年前事

劫焰歛起心神懨刹魔敢犯諸天界鬱攸頽化百寶幢

泉源幾枯見焦土琳宮已燼無殘釭仙靈呵護栢蠹蠹

天神顯異鼓逢逢赫曦一照掃妖霧虓虎成陣殲狂虺

壘培尚在前窳兀殿閣始恢今駿龐從知章亥極延袤

那許蠻觸相衝撞搗來捫葛覩泉眼谷鳥驚起人音楚

古懷近蹟隨逝者糟牀但見篋春缸磴欹苔滑坐倚樹
水竿風鐸傳新腔

河橋

黃河東下我西上伊闕遙看路百丈潼津一半天整開
崑崙萬里星源仰蘭州雄控河西地自春徂夏輶車至
天都山上俯洪流廣武城邊宏利濟波濤湯湯橫舟船
銅柱鐵鎖相鉤連權奇倜儻來大夏瓌琳琅玕通于闐
我程本自洮河返却上河梁窺混沌隔岸山齊白塔高
騰波水映青海遠羊皮載粟浮鷗夷雉堞連雲排石堰
鼓浪雖非一葦杭架木無須干竹捷如何底柱開三門
轟雷激電東南奔蟻穴隙開浸州郡虹隄工築窮寒暄
去年渠上躬疏濬今來橋畔尋波痕歸從淮海告都水
順軌安瀾當若此

發蘭州却寄張三雨巖明府

森二首

候馬亭前四牡驅東郊贈策首歸塗也從年少臨洮子
買得河西汗血駒纓綴犛牛披短褐裘輸文豹襯璣瑜
最憐清曉金城月向客團圞送入吳

來時挺劍去垂橐點檢奚囊尚自豪藥裏新儲紅枸杞
食單常進綠葡萄泉流出谷明人眼山色霽雲上客袍
異地同心如舊識令人回首憶蘭皋

固原平涼道中卽事四十韻

瓦亭闕外水雲交峻折難行勝二峭峭僻切雲天設險
斷崖環水地為坳何年墜石橫巖腹幾處流泉挂樹梢
暮暮朝朝愁雨至高高下下見山包阿香車至林先震
少女風來竹自敲火礮迸空驅蜥蜴機春藏壑守舟鮫
騶驚浙瀝纔淋幔鴉噪纒黃又入巢晝日陰晴渾莫定
澗溪清濁不相淆嶺從疊嶂分雄徼路近開城出遠郊
著屐齒緣盤磴蘚障泥蹄踏蹊蹊茅趁墟啟穴孤煙直
遲渡登橋落月捎采采鼠姑當插帽飛飛鳧父恰鳴鶩
未知佳境同甘蔗且向深波賦苦匏古木百圍疑伏豹

陶山詩錄卷五

三

新濤千丈駭潛蛟聞攜稗史長留枕小摘蔬畦便入庖
萊菔圓如梅作饌蕨芽肥似筍供肴泥中印跡奚容覓
鞍上吟觥漸欲拋掃屣昨曾題胸臆拂塵頃已網蠅蝟
途經安定逢通責時異朝那備折膠隴上戍無聞鼓角
靈州牧自就芻茭半邊屋狹難橫榻尖角帘低更綴旂
夜發邨更傳脂膊曉酣奴詔禁號呶輪高於戟行宜杼
野盡為墉守在櫟氣候蒼涼如有隔民情質樸不須教
鞭羊反著羊毛鞞舞燕偏隨燕尾髻窠簄上肩誇勇健
弓鞋長跪詫姣媯楊花到夏初飄絮麥穗當秋正圻苞
決溜開渠魚唼唼卑枝接葉鳥咬咬烹茶知味殊鹹苦

巾翠看苗異沃碗稟得金形田面冷聽將土語夏聲誦
大夫毅情五皮貴博士驢須三紙鈔猶指淖泥曾折軸
頗聞軍旅尚鳴銑運糧秦鞏勞駝圓徵馬爪沙助虎虢
尅日合圍寒賊膽過時失業切民胞上功猛士雞翹插
稱使行厨兔首炮鮑老旗邊翔怖鶴虞人羅外走驚鹿
白衣回種形魁壘黃帽番僧咒詰聲纓雜曼胡披靺鞨
箭開磨礮舉弓隋詩絢駟鐵真同澤書訂金蘭合玩文
雨巖頻
有書至試訪誰歟是元晏不如逢掖任相嘲

游水簾洞怯不敢登

盤空墜石壓地重地墳石裂天開縫架木為梯倚雲立

陶山詩錄卷五

四

我欲攀躋心惴恐鬚頭奴子捷如猿延緣直上復衡從
仰窺纔見度懸橋又倚巉巖入幽洞飄然飛下千尋梯
笑指勃窣出虛空斲潭無底橫浮梁峭壁微凹結綺棟
窈多竅穴通尾閭大者如屋小如甕就中一洞得水簾
突厦重重濕嵐凍眩眼燐火陰房闕摩肩滴翠寒門聃
我思少小愛探竒老大孱軀更何用欲因行役廣見聞
乃似懦夫愁罄控昨逢僚友從東來曾以流言為悲慟
云我前行潼渭間虎口編鬚駭客夢辟間有句落長虹
頗疑詩識增傳誦見我言旋賀更生尚如痛定還思痛
豈知結纓以殉悝不若微服而過宋臨危致命真慨慷

冒險輕身亦惡，卷泰山鴻毛，可與權下牀傷足。猶內訟
矧茲登高復臨深，僅豁心眸恣吟弄。

寄書馬涇陽俞藍田兩同年因書其後

人生動如參與辰，况乃官轍馳迷津。歲在癸丑始通籍，
八十三人同樞紳引。

見丹墀被錄用，廿二人以令宰遊。十九分發三，即用孫
籤掣取，催征輪馬子。謁選得西縣，我分入吳俞入秦。其
他散布各州郡，幾載踪跡難相親。日余奉有洮河役，道
出關中懷兩人。所治皆非經由地，頗思枉道還。逡巡迴
車醴泉，遇馬二握手。話舊如逢新，臨歧寄言與俞七。離
懷欲訴徒諄諄，長安城中忽相晤。猶疑夢寐嗟歎頻，恍
如春明共杯几。行役雖遠願已伸，曉風輕折灞橋柳。暑
雨迸散瀉池蘋，懸擬後會付鴻爪。珍重努力傳魚鱗，書
罷促裝恰新霽。明星落落當清晨。

華州道中望少華

華山驛館對少華，煙雨迷濛三日夜。曉光溢漾凌峰尖，
樹色青蒼迸巖罅。鱗山靈為客洗塵眸，淨滌諸峰空翠浮。
筋骨嶙峋露厓突，頂顛突兀同雕鏤。直舞猿猱躍虎豹，
橫攢劍戟森戈矛。千丈一落直至地，四時之氣常為秋。
少華竒絕已如此，太華辟立可知矣。雨後看山勝登陟。

瀑布還飛百泉水，褰帷橋畔方凝注。正是希夷墮驢處，山根尚有神仙牀。試問長眠為誰寤。

買金錢龜

恰有青蚨四百枚，買得靈繹果靈獵。若凡六龜是時夏，至前一日陽極為姤。天風吹龜為陰物，六陰數每龜各值六十六文。幕有竒其地華州蓮花寺，金天光映玉女池。龜獨得其方之色，常在十丈菡萏影中之綠波。靈鱗化作五銖小，上圓下方中矩規。不飲不食息以耳，可以藏之襟帶同佩觿。有時左顧亦放去，何妨十朋或益之。人情不失以為畜，三百八十四文知不知。七十二鑽免。

陶山詩錄卷五

六

序而

遊玉泉院望太華

昨為雨所困，今知雨亦佳。不然玉泉澀，何以寫塵懷。策馬度山澗，水勢已如淮。入門森萬竹，隕籜深沒鞋。飛瀑極歎欲，轟雷驚虎豹。演迤滙為池，浩瀟無津涯。牆有無憂樹，枝幹橫榆槐。洞有無憂人，高卧門當闕。云是陳希夷，蟄法藏形骸。洗耳亦已久，蛻骨何須埋。小麓倚湍谷，孤亭出煙霾。道人指盤道，仰視眼先揩。蔽虧遞起伏，瘦削齊歲褰。卷如蕉抽心，蠹若劍出鞘。端如檮象笏，驪若垂青綱。譬如摩窠書屋漏，與斷釵亦若畫家皴。劈谷與

亂柴獨有峰絕頂反若天可階人如周亞夫馬若拳毛
駟軍威肅車駕健骨行天街一朶青芙蓉得雨滋根荄
千層碧函苞出水攢枝楷洗頭窺玉女鍊石思神媧恨
不生羽翰飛上萬丈崖巨靈約未踐真源顛頗乖徘徊
行且止磴滑侵盤蝸下視橫河渭新漲資疏排翠欲滴
衣袂聲可暗黽蛙即此玩泉石聊堪結茹齋登山亦有
分濟勝誰能皆差幸得聞見歸去誇朋儕

洛下咏古

洛以流坤吐地符百家諸子戰吾儒闕前望氣青牛出
城外馱經白馬驅風節猶存推李郭名賢相厄病程蘓

陶山詩錄卷五

七

惟宜安樂窩中客三十六宮春滿圖

游龍泉寺三首

邛山山曲梵王家觸處流泉上水車一片江南好風景
秧針插遍繡袈裟

頗似華清碧石湯由來冬暖夏微涼湏知洛水先溫處
不受流脂膩粉香

菡萏初生百脈泉滿池荷葉映田田昨從太華山頭過
曾看天池十丈蓮

由鞏至汜口占

黃河伴送客東還隱約帆檣出遠山綠柳陰中紅笠影

曉風躍馬虎牢關

望後早發二首

月朗渾同白晝露冷頗似清秋馬足一塵不起人聲萬籟俱悠

涼擁青綾一領光穿綠樹兩行旅夢隨風斷續明星與月低昂

寧陵道中十二韻

世路多仇葛人情總畏匡此心存戰粟到處得康莊于役常聞警言旋迴不忘苗耘先望宋爪灌正從梁伐鼓花村雨毆禽果苑香蛙暮如犬吠麻菽過人長活活泥

陶山詩錄卷五

衝路溶溶水漫塘鳩鳴愁淖近蟬噪覺風涼去苦蒙戎被來同襪穢忙揮蠅思劍拔揮蟲笑弓張擁轡平臺下披襟大樹傍

平臺大樹
商邱遺跡

忘憂何處館藻績渡睢陽

永城道中

小暑新晴日正長太邱遺境鬱蒼蒼風來禾黍叢中熟水望槐榆井畔涼蕩葉密藏魚艇碧麥稽團作草麻黃迎車錯認深秋色菜有金花市地香

古絕句四首

飲酒惡作醋飲水惡作鹽各有所宜味何處著酸鹹汲井不得水慎勿羸其瓶無水別求井無瓶空復情

北歸喜見蝸南歸喜見蚊二物何足喜鄉思自紛紜
郎採梔子花妾採丁香結兩花結同心其性異寒熱

宿州以南泥水難行三十韻

符離幾日雨積雨盡成泥容易埋車腳艱難躍馬蹄衝
蒙微有路入市更無蹊越隴尋禾稜凌坑犯菜畦喜登
橋背凸怕踏碾渦低獨往防顛仆羣奔慮擁擠草驚蛙
跳澗礎潤蟻緣梯涸鮒能游轍濡捷不上隄蜿蜒蚯蚓
聚懊惱鷓鴣啼曦照峭如削波翻踈若犁負塗封豕蕪
掉尾蹇驢嘶來軫言前路通衢遇曲溪迂行猶脛沒誤
涉與腰齊濠外添魚罩淮壩失柳黃青菱都浴鷺紅蓼

陶山詩錄卷五

九

輒沉鞵重載愁豐賈浮泗樂小奚筍輿輸快騎騶子類
連雞麗藪懸心旆屠蘇障面薰汗邪同坎宮蹠蹕費攀
躋探淺先投石臨深必杖藜槩牙翻弗用履齒亦空攜
電袴禽呼脫軍持蛤吠提跼身纔出險到耳又流澌頗
愛啄苔鶴還思兮水犀伏陰風自北遲渡日平西插稻
兼男女驅牛剩耄倪列滕成澤國載道慕巖棲淖笑藥
書退塵揮庾亮迷忽聞翻幕燕切望飲河蛻屈指江干
近風光補舊題

早度清流關

清流之墟瀏其清雨後漉號山腰鳴衝霧登山山欲雨

衣帶都染煙嵐青煙嵐橫抹闕頭曙叩闕欲認來時路
野寺無鐘門未開駐馬憑眺金陵樹金陵南唐倚雄關
暉鳳就獲周師班畫淮不已畫江守卧榻豈許他人鼯
我行西不至玉門峭函視此亦巖垣漢唐全盛尚失險
殘山賸水何足言紅羅天子從滁陽定都立國先淮揚
子孫不競蜚鴻起遺碑但記神燈光
昇平千載空陳跡為政風流思六一喬木幽芳故宛然
煙消霧捲山城出

失龜二首

為爾性愛水添盆容爾游如何階木起便欲與雲浮乍

陶山詩錄卷五

十

失能無覓相忘亦弗求坳堂接汙瀆曳尾困鮪鱗

我正江東去江波通太湖爾如思浩蕩何遽走潢汙遇
網仍來夢循崖莫浪呼餘珍倍什襲欲學藻山愚

次韻邵夢餘

無恙

立秋西軒偶成

夏蟲多疑冰秋蟬自飲露涼熱非殊姿時地本異路三
庚入伏遲一葉驚秋度寫鞍已聞闕聽鼓又朝暮炎蒸
如在途逐熱益憂怖不知涼風來惟望甘雨澍幽人坐
閒齋物候驗深樹秋意到清詩使我生覺悟同居塵囂
中獨得蕭疎趣不為宋玉悲能令歐陽寤庭木豈無枝
廣樾乃蔭護甃井豈無泉洪源乃挹注吟詩憶西軒素

月照世履

移寓平橋四首

之官定何所僦屋苦無錢借得數椽住便謀終歲遷架
書牆剔蘚烹茗井窺泉適舍求毋固棲身即靜便
驟雨不可測銅街幾欲沉崇朝開午霽廢宅掃秋陰履
錯苔痕碎窻橫樹影深夜來風颯灑探漏輒披襟
家具由來少移居也自忙比鄰足絲竹老僕檢饌糧公
畏趨衙鼓聞宜上野航平橋雖近市寄興在滄浪
鳩巢元自拙竹在方蓬一及至具受談詩客不衫梁
鴻新熟竈張翰未歸帆涼入秋燈夢芴廬傷故岳

陶山詩錄卷五

十一

奉檄勘常熟江塘三首

記里人傳鼓量江樹引繩涵童探水則浴鷺見橋棧斜
日千畦稻輕煙一鑑菱菰蘆聞好語攜挈繞溝塍
雨殘鷗外路舟入蓼花汀一夜波浪長隔溪帆影經草
飛黃蚱蜢雲點黑蜻蜓欲向前邨泊空濛有釣亭
殘暑故作勢新涼時起波晚籬疎有竹秋渚靜無荷剪
荻通行履騎牛倩荷蓑縣公憐市遠有酒載相過

遊虞山四首

南國傳文學西山繫慕思

虞山以虞仲得名

弦歌言子里采藥

孰哉祠

孰哉仲雍字見世本

丙舍虬松老辛峰雉堞危城闔迎爽

氣岩壁動晨曦

一蟬鳴引路萬木立當門鳥渡空潭影花明曉露痕何
妨山自破莫道水無源坐愛風旂定翻嫌鐘磬喧

拂水巖前路重湖隔翠微有風常習習無雨亦霏霏野
鶴三峰出晴虹一劍飛那容逋客住掃迹閉禪扉

洞闢天門迥泉通地脉長秋陽不到處玉露滴空蒼被
野江風綠登樓海日黃迴舟先艤待餘興話長康

時顧潤亭

司馬儀舟相待

後引河行

有叙

去歲予與挑河之役作引河篇以紀其事迄今曹口

陶山詩錄卷五

十二

未築復浚深之費筠浦中丞被

旨察工命予從行又得七百言因以後引河命篇

醜為二渠自禹始寧無兩河並行理順水之性殺其流

九河分播亦如是周定王時矜礫徙齊與趙魏隄防起

棗野初潰篤馬湮鞞岡既塞鳴犢毀許商善算治禹貢

馮遂孫禁謀不用致令禹河故瀆亡况兼屯氏新川壅

永平修渠自滎陽東經千乘千里強遏衝疎滯通濟汙

王景底績高宣房下逮宋世橫隴決曹村大潰北流絕

梁山張澤分二支南清北清派殊別張秋塞決北又改

並由淮泗入東海河淮一瀆自明昌至今已歷五百載

元季賈魯開南河疏塞隨宜功最多生溪故澗有良法
白茆黃堠無狂波河流遷變真難定以海為壑乃其性
孟津以西禹跡存孟津以東惑旁徑北道趨海經澶淵
潰從汲縣胙成間或道滄瀛或濱棣冀邢濮博遭顛連
南道趨海經曹單潰出封邱蘭陽縣或挾汶濟或泗淮
鉅野彭城邁昏墊一從會通資轉漕又開泃河隔重埽
經流不可復東北有時濟運還啟導其南則有洪澤湖
高堰之下淮揚潴今之治河無二道河身海口當深疏
前年溢豐去年碣北岸衝曹劇橫放徐州穿渠役大興
守宰奔命事尤艱費糜無慮百萬金渠成不見千層浪

陶山詩錄卷五

十三

石龍屢罄虞衡材受植仍歸將作匠今於故渠掘溝坑
制軍河帥董其成察工兼命督漕使振業况重賢中丞
中丞將行謂仲冕引河從事爾其選經營工役爾所知
掎撻利病我能辨是時曹工水維緩齊人爭咎徐高淺
水之繩之眈平沈徐下於曹三丈遠徐河別刺集畚鍤
曹壩不戒波浹漑適逢天雨作汗泥下游復被秋潦壓
識者方憂決口寬是役雖成功未完淺人失計在分謫
賢者用心唯除患忽聞睢州決夜半河伯效靈符

廟奠曹口相違二百里洪濤不塞條已斲取次疏淤號
令壹水正而裁日至畢我嘗星雨聽輿謳巡工無事親

執扶中丞按行忘其勞不擁車騎操干矛吏卒爭先不
愆素飛章入告宣

恩膏落馬微山都歸壑豐沛徐邳土俱涸耕犁已漸培
春苗金粟猶頒養貧弱但聞毫宿成沮洳淮湖泛漲吁
可虞昨歸來過清河口水波浩泮漫菰蘆顛祝昨流早
順軌疏川力役事長已紀行重述引河篇下策不敢告
都水

放鶴亭

放鶴亭子山人著放鶴亭記太守作太守真應羨山人
胎禽不得同狂藥我為鶴謀殊不然芝田蘄阜乃所樂

陶山詩錄卷五

十四

無端收放總由人何異樊笈日羈縛多因飲啄親稻粱
未許翺翔起澗壑金鐘那得娛爰居玉璞敢期抵烏鵲
何如海濶天宇空與人無爭亦無託羊公不舞立穰種
王子能乘游廣莫太守山人解此情便須長放任盤薄
我本山林入塵闕戢羽低飛羣燕雀登亭讀記發長歎
一聲高唳雲間鶴

登黃樓

去年被檄來徐州趨公無暇登黃樓今年于役隨節使
循城覽眺容獨遊城隍相距不數武女墻睥睨平土牛
樓在城隅近北峙河橫樓外經南流憶宋熙寧方十載

澶州大潰趨下游溢南清河入淮泗居民欲走太守留
不避塗潦呼卒長大築隄堰蟠山邱呂梁百丈雖湍怒
彭城三版仍增修蒼黔完郡免魚鼈雌黃塗壁欺蛟蚪
太守為誰蜀蘓軾記樓有石屬子由至今樓上並尸祝
對床風雨如相酬霸王廳邊黍豆晚戲馬臺畔榆楊秋
洪濤巨浸不可測當官須識憂民憂

風雨六章章八句

有序

風雨感行役也節近重陽年屆初度撫時述事自訟
自箴

風雨浙浙車馬駸駸秋將暮矣感我勞心涉泥衝淖漸
帷至襟道路伊阻歲月彌深

陶山詩錄卷五

十五

歲月幾何四十有六往者莫追來者可贖名之不修德
之不淑風雨瀟瀟誰規予獨

內省厥愆匪邪則妄既疎且庸慮事奚當人莫我知如
孫斯放瑟兮憫兮以專所向

外迺輕躁浮薄自醜何以藥之重靜深厚視其所存動
容出口失今不治自詒伊咎

昔有君子五十知非寡過未能化匪驟幾嗟予小子小
人之歸不懲胡慙不憤胡為

河水湯湯日震其防或南或北潰不可當正流斯壅疏

澹無方小子觀之以謹德行

省身雜警二十四韻

養心欲必寡養氣躁當祛務使邪思斷常將妄念鋤精
神斯振作意態要安舒懈怠中先餒輕浮德不居三緘
母率爾寸步貴凝如發現誠之伏根源性所據永懷悲
菽水追養竭椒糈慎勿危遺體終須返敝廬弟兄難再
得朋友善相於最鄙嫌生隙難容數見疏家庭無禮節
牛馬亦襟裾拂逆求諸已投艱責在子機權乘以粹道
理裕於初握要惟寬簡沉幾是靜虛臨時規急遽慮事
忌遲紆交上思和諍當官審疾徐持身休放空接物總

陶山詩錄卷五

十六

留餘清白敦寒素絲毫謹國儲約奴休縱犬御下合觀
魚吏蠹宜窮矣民碧可忽諸喜防乘興諾怒戒與人書
懊悔翻為累譽尤即便除櫻寧忘寵辱檢點顧聲譽見
惡嗟何及箴言勒几輿

次韻武蘭圃留別二首

春船送我赴金城聽徹吳孃打槳聲笛裏闕河渾是夢

樽前風雨若為情息鵬六月客先去

正月余有洮河之役君與賈葑園明

府餞於山塘及旋吳而葑園已罷官先歸歸燕三秋君又行旅館殘燈話離

索雲山一夜別愁生

并州鄉思逐年深搔首頻抽白玉簪八口尚留臯伯廡

一官惟媿洛陽金浮雲冉冉征驂路落木蕭蕭客子心
莫倚望江南唱罷飛鴻仍聽北來音

青村集

疊韻和陳桂堂太守

廷慶四首 己未

往歲溪蠻報羽函負岫蠢動七星蟲虎符夜發貔貅捷
螳斧朝除窳窳饒太守春行江口樹將軍風利岳陽帆
知公舊有綏安策蓑笠何勞鐵作衫秦詩述平
萬事故云
憶持過所出潼函嘯聚南山正阻岳桃塞牛驚衝火逸
榆關馬聽訖其饒李波小妹先成磔楊僕樓船快舉帆
鶴唳聲中攜餉索雞鳴陌上整行衫

陶山詩錄卷五

十七

折首嘉音到羽函

恩綸已沛蜀西岳如何困獸焚林出尚有飢鳶啄肉饒
握要宜安原上犢制奇先斷漢中帆喜聞軍令臨淮肅
不著諸于繡襖衫
倥傯宵裝牒訴函談兵如說虎蹲岳驚弓鳥自聞弓怯
行災人因執災饒局備一枰看著子舟盈萬斛在寒帆
書生不若百夫長頗羨叢臺短後衫

喜舍弟至

吳楚三年別圍池五月晴添衣防海霧解稜記江城舊
閣詩圖展新亭射耦成偶然言昨歲此日二陵行

題黃一吾湖南詩稿

一吾三十歿於越我曾腹痛感倉卒半生精力為文章
身後聲名未突兀經今又歷十五年夢裏追尋空恍惚
其子本騏自楚來手攜遺稿相迎謁由來卷帙欲等身
尚留筆跡細如髮風前展讀涕汎瀾副墨何當付剞劂
本騏自說七歲孤今雖成立勞筋骨弟名本驥頗通敏
終日憂負難奮發有母苦節如共姜營壘艱難彌歲月
我聞三歎更欣然有妻有子君不歿日吾與君總角交
聯床意氣何蓬勃君今遽作修文郎我乃行同廝養卒
當時憫我車輪轉今日傷君駿蹄蹶挂劍常思結契深
撫琴倍惜餘音歇為語本騏歸侍母嗚噤莫忘增閱闕
我為執友雖不文他日題君墓門碣

題虎邱一榭園圖

山光塞門水出罅此中僅可容一榭太守為政得寬簡
脫帽披襟坐其下前年初建香山祠佳境引入如啖蔗
望衡恰得百弓園買山豈惜千金價不愛雕幾門華靡
但令戶牖通桑柘香凝戟衛頻呼舟興發林泉輒命駕
旁有斗室最幽閒獨對松寮趁清暇畫來一角寫其真
詩示千秋不容詐他時留作角弓篇平生厭學樊遲稼
古者倉庾氏其官中世居官不能罷每於故里營菟來

便欲終身謀祀極豈如築榭意灑然靜與天遊觀物化
葺治遠過叔孫館游憩還同召伯舍雖為太守供旬沐
一任吳民歡伏蜡洛中小宅渭上墅何若遺黎相慰藉
此圖長與此園俱蒼松葉竹無冬夏

聽濤硯桂堂所贈

少時安硯處架屋羣松裏濤聲日夕聽頗助文瀾起作
吏家屢空松摧樓亦圯致令石田枯頻呵不得水先生
倒詞源示我無涯涘兩珪分琳腴五粒刻橫理題詩得
嘉名拜受感前軌硯曾供玉堂簪筆脩丹史及其一麾
出廉石伴行李今我學為吏文書日填委量德病未能
顧名議自己昔日讀書樓手澤幾忘矣藉以銘片石凜
若增培壘開函墨浪翻欲附餘波綺

陶山詩錄卷五

十九

陶山詩錄卷五
桂堂見和聽濤硯壘韻會之
石墨著而黑察表可見裏豈惟戒塵污治法以義起賦
質本堅貞辟立無積圯舍輝原在山潤物莫如水磨礪
成半圭折鄂分兩渙當以麤砂治應悟猛政理青城如
南岡士夫尚風軌礪之以廉隅澤之以經史詎為多節
松莫學無核李宥坐得瓊瑤切蘭儼端委墨磨豈有窮
詞費不如已物無不宜之政在其中矣但愁無鴻筆輒
欲效堅壘遲公早晚來揮灑看振綺

射圃

射圃橫十弓侯道劣百步只緣積瓦礫漸苦碍綦屨我
非貫革才頗習采繁賦脩除令辟械鞭築沙隄路中鵠
知難期折矢可無懼政簡偕賓僚比偶鏃如樹失的每
憂釐持弓愈審固必反求諸身往省括於度雖非惜寸
陰亦不廢曹務況當水木清因之往來屢

補籬

繚圍不以墻竹籬致疎野但取足遮欄何須蔽亭廈漑
漑循溝塍羅羅稱清雅風雨有斷缺衝突見牛馬決壅
欲撤藩踰垣還禁蹀牽蘿藉補綴選樹存拱把虎落相

陶山詩錄卷五

二十

絲連麈眼尚邪哆當其游衍時不戶窺觀者隙地讓西
鄰官民類同社治事貴精詳治居貴耶且

架亭

廡東故有池池西故有榭榭左為迴廊上與池相近池
長作磬折小亭故橫跨榭存亭已傾呼工以木架未成
我當行既作不可罷去住了無憑徙倚即為暇斗城少
市廛薺麥繞官舍苦雨經殘春落成已初夏名之曰霽
心池邊夕陽射

次韻胡滄臺

大觀

池西小榭三首

一官行且替五日住為佳便面迴張馬疎寮揭米牌畦

蔬通出入鄰竹巧安排城市如村落籬邊見荷花
洲畔魚常轉枝頭果欲乾院荒頻剔莽庭敞遠聞蘭滯
雨鶯愁濕聽潮客話寒劇憐風信晚棟影照回闌
枉渚朝宜月低軒夏愛晴燕繞營半壘蟻尚夢專城花
援功難已荷筒計不成宿桑有餘戀一日再三行

雜詩三首

鳥有意而智社稷襲人間處堂任飛舞與人無爭患營
巢且將子拮据惟苟完春來輒秋去曾無終歲歡今我
不及爪程期輸爾寬爾反為主入笑我客行過人乃不
如燕何況鶴與鸞

陶山詩錄卷五

二十一

倚廡數竿竹榛蕪所蒙翳我命培其根先之以芟薙春
雨既澍濡萌芽茁階砌解籜上番看已有干霄勢綠陰
未長成旅人難久憩憑誰報平安瀕行數凝睇
庭前紫荊花花繁葉尤密高不及尋丈翳蒼鳥所暱斑
斑白頭翁銜柴以為室網繆得紆絮卑棲謹入出卵可
俯而闚風雨亦安謐或云人將去野鳥如社鼠禽得氣
之先此理頗難悉但屬後人來保護使不獮

南橋與桂堂話別再疊前韻

出不儕夔龍豈在環堵裏志不騰鷗鵬不若搶榆起當

朝仰

文思百昌無蹙圯今如草上風言如石投水量如北海
若笑彼百川涘況以國之楨羣相助為理紫氣開
彤廷珠璧映文軌儒生著讀書經世本蒞史公為化俗
文不羨封侯李豈因善刀藏自意如土委謙冲推二難
恬靖學三已此非其時乎可出而仕矣疎才媿中牟離
情感畏壘何以志殷勤質言謝紉綺

舟過松江被檄促行感百堂汪西邨張遠春留詩

一卷舟中讀之仍疊前韻

雲間三君子槩衣被錦裏謂余尚書生投贈從此起余
喜得聞邑取次舉殘圯公等翩然來鬚眉照池水吟情
聯信宿別思滿江涘誰知官受替亦自理行理治譜固
未諳疾驅無善軌深懼愚為神衆口嚴於史迺復羅餞
筵釘盤薦梅李吏民意良厚酬接幾頓委將尋朋舊歡
簿書且整已星符催上道一日三至矣風利不得泊空
望屈賈壘猶留冰雪文什襲勝羅綺

重之吳江三首

宦游無計返江湖三載迴帆館舊符漫道鐵船今竟渡
何當竹馬為前驅下車自笑來馮婦折節誰愁遇灌夫
父老相逢輒相勞謂余霜雪點鬚鬚

十丈虹橋水滿陂繫舟垂柳乍晴時曾經祖道自崖反

敢為迎門或領之官以去來求往過民緣更替識新宜
莫言安我催科拙甦困全憑穀與絲

耘松亭子跨中河橫倚闌干靜不波急拓半弓收菜竹
仍披六枳對煙蘿琴囊書櫃權安置稻稜瓜畦費揣摩
新闢小園消酷暑碧梧陰裏好風多

憶奉賢因寄桂堂用重之松陵韻三首

泖湖遙接具區湖兩地風光未合符海上樓遲空紫牘
江干迎送有馳驅從知單父多君子欲向桐鄉作嗇夫
揖別玉川纔幾日已將雙鯉寄長鬚

菑苗初生徧綠陂亭亭空望納涼時德星長聚陳文範

陶山詩錄卷五

二十三

水榭全輸杜牧之樽酒細論逢客至樊籬不設與民宜
迴頭漸似三山遠惆悵溪南拂柳絲

去年此日赴闕河感觸平生馬伏波歸到巢林難擇木
竭來補屋且牽蘿未經點突家頻挈猶為題橋手重摩
敬謝故人休眷戀我如行腳打包多

贈三首

陶山詩錄卷五

陶山詩錄卷六

善化 唐仲冕 六枳

平江集

九月八日冒雨遊支硎至天平山是日為余生辰
桂堂太守先有作次韻二首

滿城風雨年復年彈指往事空中煙前年此日起都水
北固山下揚舡船去年于役仍秋天黃樓落木爭霜妍
迴思縛袴逐塵鞅軺車欲到青海邊我生之初月宿斗
磨蝎已注三生前事劇那能容席煖政拙安望同郵傳
偶緣休沐尋弱隱自媿蹠踣逢夔憐清樽好稱幾兩屐

陶山詩錄卷六

錦瑟橫絙五十絃故人先奏南飛篇臨風三疊舞胎仙
我如跛起瘖能語冒雨打漿求林泉

風前落帽孟萬年况兼白雨和蒼煙登高興發不可待
便攜腰筍傳溪船支硎初地兜率天巖光樹色分清妍
午鐘聲出遠林外老鶻飛過寒山邊不見懸流千尺雪
但有峭壁橫樓前天平萬木密無際馬遠騰筆何能傳
新菊小團已漸放殘桂餘馥猶堪憐花山含霧石似筍
箭溼得雨水如弦檢點白傅白雲篇天門一線凌飛仙
却留登臨興無盡坐掃茶竈煎山泉

遊劔師園同桂堂二首

高人舊結細師莊屋裏林泉引興長
山子當門開短棹水聲迎客到方塘
過橋剩有殘荷影洗杓偏聞小桂香
釣檻花深堪把釣欲從漁隱問行藏
車公入座便情親談藝周遮忘主賓
最喜市關逢勝地那知簿領是忙人
涼風晚閣吟紅樹細雨秋江憶白蘋
前輩風流渾未艾從今來往不嫌頻

題寓鶴圖

有序

桂堂太守乞鶴於揚州都轉載歸過吳門寓平江官舍十餘日仍攜鶴以去余為作寓鶴圖因以名其館先是都轉有聘鶴篇揚州和者多作聘鶴寓鶴兩篇

陶山詩錄卷六

且疑鶴長客衙齋作此紀實

凌霄竒翼不可偶羅者安能招澤藪誤承聘寵到樊籠便聽提攜落人手架頭鸚鵡愁紅翎藩下鷓鴣樂黃口嗟汝仙姿來九臯游天背可青天負君以為雄敢不雄誰逐其婦又呼婦架梁烏鵲渡天孫銜書青鳥傳王母相隨孔雀東南飛競說高樓西北有昂立不與雞為羣鷺鳴詎同雉求牡頗思振羽選鷓鴣雖遙指當門認鴉舅分料聊為梁稻謀置柴更循階砌走喧卑蹤跡果何辭清遠心情良獨厚警霜合在颺缺先印雪豈留鴻雁後揚州莫信罽纏多吳市那堪棲託久于飛吉卜事已諧

寄聲舊侶能知否却因僑寓憐羈雌縱使孤騫亦嘉耦
報客歸來得食馴寄人籬下難株守松陰偃蓋芝田香
啄苔履石頻回首曷弗縱之還女林將安匹兮鸞為友

讓硯歌答桂堂還硯篇

世不有爭安有讓合以所爭觀所尚此硯先從豪富家
辱於厮僕隣缶盍得之洗濯出泥中移來拂拭珍席上
美人愛此青琳腴予取予攜非好貺從來逸獲常易失
况我簿書慚俗狀君才潘陸筆鍾玉硯誠得所休快悵
慨然復以原璧還始信君家物無長范宣子讓其下皆
請為君言齊得喪物從主人人為誰科名第一傳臚唱

陶山詩錄卷六

三輔黃圖藉保釐八州都督高聲望富貴功名三十年
鐘鼓曲旃羅供張盛有才名兼愛才一時豪彥都傾向
玉躡新排艸架籤金叢雜置南宮舫青衣紅袖解詩篇
無限風流誇跌宕忽聞刁斗警鄖襄倉卒笙歌擁出將
潢池烽火尚縱橫蜺旌雲旆已歸奠高明之家鬼睨室
生前一一皆虛妄文章空歎繡屏風田宅難留錦步障
門前蠟淚猶成堆院裏羅衣各懸桁千純百琲竟何存
鉤索全歸將作匠可憐估儉到書厨故吏門生暗悽愴
匹夫懷璧乃其罪厚亡鮮不由多藏叶假使當時讓弗
居一生能著屐幾兩即以硯計陳紉羅龍尾鳳珠及瓦

當此硯區區在棄捐吾曹驟獲觀可壯君還讓我讓
君洙泗斷斷非個儻芙蓉城主若有知應笑兩人寒乞
相家無不破理則然秀才風味安能忘願將交讓作嘉
名他時台鼎無張王三揖三讓君攜歸痛飲更為傾家
釀

紀漕

詔徵東南漕其政宜清肅爰命撫臣起

謂岳小廉介卿
瀛中丞

所獨小民困徵輸毋俾溢斗斛往時苦軍丁求索無足
欲今當立法始犯者加刑戮公言三首縣倡率流行速
吳邑多山田產米異常熟選擇若過嚴浮濫反易足因
陶山詩錄卷六

四

地而制宜民情乃悅服當其定議時羣疑方滿腹我公
持以堅

璽書特褒錄

上諭今年清漕惟江
南辦理最妥朕早有所聞

善政原舊章積

重豈難復請看繁華地貴粟賤珠玉

庚申元旦恭紀四首

膺圖方度五

親政不書元運以重熙積功緣善繼尊烏號猶海寓豹

尾又

陵園

詔以元旦調
裕陵

瑞氣煙郊接扶桑上曉暎

雨露真無際雷霆豈在多先除上官桀已翦穆提婆內

敵通鞞驛菊求到薜蘿風行傳渙汗小醜本公膺
國重江南賦民爭粟米輸四蟲原是蠱庚癸幸無呼莫
謂千艘困須令百室紓向來經制定何處獨膏腴
天府清如水諸司肅若神釀成三日雪和召一年春撫
字懋無術豐穰信有因

昇平民氣樂林舞到微臣

鄧尉看梅至元墓遲徐鐵庵農部

大榕

不至三首

簿書無時休久負梅花約山虞報花開欲遊苦束縛行
縣恰經過花光望山脚迴權得藍筍屏騶易芒屨入谷
偶聞香遠近不可度時當春漸深無奈雪增虐疎林方

陶山詩錄卷六

五

爛漫繁枝半零落所以香雪海化為霧銷暮吾登吾家
山臨風浩歌作幸及趁新晴猶能見冰魄倘遲數朝來
何處辨跼萼山中尚如此那復問官閣莫攜玉笛吹且
盡金尊酌

游山迅追逋餐勝類赴約看花尚有緣亦如解禪縛幽
尋倘告疲豈不媿行脚仰登待支筇俯憩更躡屨信步
皆迎眸不以道里度乃知林壑深未受風雨虐松老出
山邱竹斜倚籬落掃石苔為茵登樓天是幕仙靈鶴鬣
披蘭若魚梵作昔年王與宋

謂阮亭
拔仲

意氣何商魄至今

圖中人清光照冰萼對此發長歎俯仰還元閣秉炬下

歸舟撼髭事孤酌

徐邈中聖人向有尋山約愛公天馬行笑我春蠶縛江
畔昨留書岩邊方企脚應迴米老船同著居士屨日肝
期不來蹤跡費揣摩或者花事忙母乃觴政虐美人與
香艸不暇問邨落因憶夜潮生長風起六幕想非意興
豪頗畏波浪作豈知花如月已是哉生魄茲游雖艸艸
尚得數鬚萼君行計已遲此事且高閣却笑息壤渝當
依金谷酌

雨中招李韋廬比部徐鐵庵農部吳玉松太史馮

松恬觀察陳桂堂太守小飲寓鶴館遲蔣立崖司

陶山詩錄卷六

馬不至分韻得人字

客來煙外徑衙放雨中春到館都懷鶴開筵更遲人燭
搖花顛影歌感酒生鱗新月披雲出壺觴欲再陳

種竹寮

開軒為種竹僅得方席地野人移數竿裊裊含新翠宜
留空隙多暢使萌芽遂場師逞其能自謂工布置編籬
藉蒙茸壘石得岑蔚春雨方滋榮雜花已環植偶從窓
外觀但覺花枝媚窺竹竹倚齋若與穠華避奪主嫌喧
賓增華笑踵事場師為我言于時尚藻繪況此勁直姿
掩映有深致君如愛栽竹毋令傍階砌結根在山阿乃

有干霄勢

未補赴江寧舟中作

疎才當赤緊寢息皆草草頗思事江行整停判牘橐且
喜扁舟寬翻嫌廳事小有榻得高眠稍補求衣早况經
苦雨綿恰值初日杲菜麥延生機野綠望環繞帆影度
青帘櫓聲雜黃鳥沽酒成孤斟市鮭快一飽書生未作
吏那知官事惱一進不能退坐令雙鬢槁何當買仄皮
放浪入煙島

登莫愁湖樓擬莫愁樂四首

我愛湖上游頻問石城渡不見艇子來莫愁在何處

陶山詩錄卷六

少婦鬱金堂中山異姓王英雄與名媛共此一湖光

眉今湖外山黛染湖邊柳湖上夕陽酣湖水化為酒
暝色蔣山頭莫愁不愁開樽還對飲新月挂西樓

孫淵如觀察

星衍

邀同許秋巖太守

兆椿

王石華

明經

瑜

飲邢氏園太守先返余與諸公至隱仙庵

看牡丹因游隨園并登地樓得詩四首

園林媚新霽花發來和風置酒當畫檻酒與花香融趨

公欣有暇薦士慙無功

石華余甲寅所薦士

太守先歸去遊人興

未慵

老樹蔽茆庵穠花明翠帟道人罷鳴琴為話陶貞白仕

女紛如雲莫詫儻來客看花貴及時香霧沾巾烏
六朝金粉地風流祗此圉人琴邈矣沒臺榭歸然存瑣
窗搖樹影詩癖埋雲根入山感遺韻出山已黃昏

登樓不綵梯地勢本崇敞遠山帶城郭一一看指掌所
游盡岑蔚於茲羅萬象清颺入高寒頓發閨風想地樓舊名

清風榭

題同年汪澣雲梅鼎澄江霞綺圖用謝宣城晚登

三山韻

昔我十九人分命萬家縣自陳改京秩未遂已先見余
乃事塵鞅日逐吳門練聞君眷歸與勇退謝邦甸停雲

陶山詩錄卷六

接勝遊江鄉話閒宴示我遂初圖槐夏花如霰世情付
朝霞卷舒任千變

支硎舟中復題一首仍用前韻

簿牒日填委題詩趁行縣展卷到支硎雨霽紅雲見疊
岫映丹梯枉渚明素練天然畫中境界懷戀江甸此景
無時無難期在清宴看圖復看山過眼如流霰恐君元
豹姿更作南山變

題萬廡山明府承紀請纓圖

不請形纓請墨綬不學終軍學卓茂馴雉清風知政良
食牛盛氣述年幼君如不信視此圖十五齡時丰骨秀

傳神為寫棄孀生得志寧甘著鞭後漢氏龍淵拓墻圍
幕南象部嚴斥俟使者冠蓋遙相望大將為誰或乳臭
習船終疑卜式虛乘障堪嗤狄山謬終童乃是跡弛才
伏闕陳詞獲竒邁弱冠頓改天子容影綾便勅期門授
那容小醜抗顏行定有肅公靖邊寇博士談兵盡如此
衆人敢以儒相詬况行郡國言便宜更徵博識對竒獸
若逢赤子當安之買犢詎殊渤海守君才亦挾玉帳謀
少小早惜蓬窻陋節使桓桓掃欒搶書記翩翩動星宿
露布先從盾鼻書治譜還向螭頭奏

朝廷威德通梯航義正終當以仁覆但得春陵元次山

陶山詩錄卷六

九

底須試卜甘延壽澤中萑苻或蔓生竈下騷除亦易究
誠如君輩終駢羅從此威張不煩馭馬卿真慕蘭相如
何必秦庭叱咤驚格鬥

題許秋巖太守觀稼圖

太守劬農桑問耕寫素頽屬作第二圖觀稼寓勤勸前
年守雲間海潮切咨怨設法籌籽糧活民數千萬從茲
感熙和所至樂豐羨圖中髯飄飄樂意闕芳甸田更未
沒膝饁婦女遮面歲熟有甘霖時平無震雷耦合街彈
室桑行仁恕掾正喜徵租輕翻愁糶穀賤問俗春旭長
觀民景星見行當召股肱奏事嘉禾殿

聖主殷民依請以斯圖獻

題王鐵夫寫韻軒圖

我我楞伽山蒼蒼松檜樹老屋四五間中有神仙住王
郎本仙才起起見元著新婦配叅軍林下想風度黃絹
工詞章烏絲親疏註自題寫韻軒略比乘鸞駐家貧忘
筆瓢官閒等流寓相莊固其宜偕隱亦共喻薄宦我何
為挈家鮮常處有婦不知書頗耽邱壑趣每苦魚上竿
輒思酒入務筆作課子圖心擬歸田賦簪花倩夫人春
夢笑村嫗眷屬各有緣出處豈無據行當挽鹿回坐看
騎虎去

陶山詩錄卷六

伐琴材

有序

揚州曾賓谷都轉燠以詩來言虎嘍有槁梧中琴材
相之果然因伐而致之都轉

未知乃相忘既賞豈空讚取之不踰時觀者皆駭汗喜
從虎阜隈得此龍門幹枯槁中席珍爰伐異溝斷邪許
出蒼巖輦致近青案苔蘚尚渾身煙雲欲生幔孤橫真
白鐵秃尾類焦爨求音先叩擊面勢且推按工言老其
材十載猶未晏豈知歲月遷誰計星霜換真識至難期
急就奚所憚况當逢雷張迥殊供好玩他時貢廟堂慎

勿忘崖岸

送琴材宿谷都轉勝之以詩

天篤必因材士伸於知己知遇誠足貴裁成乃為美有
木生空山相知隔千里一朝出巖壑衆目驚文理倘非
事斤削何以叶宮徵旁摻勉求林伐斷恐傷指深惟倘
錯懼懸想摩挲喜陰陽既有質短長唯所使岳之以丹
材池之以文梓銘腹志年月安絃選戍已公當奏雲和
我願分綠綺知之復成之憐才入骨髓

山行三首

百重峰壑擁長林嵐氣沉沉晝欲陰涉水鳧鷖分曉
行山蜥蜴上秋襟腰鑣腰笥爭來往黃雪黃雲互淺深

陶山詩錄卷六

十一

莫道眼前憑管領一年幾日是登臨

屏御攜朋且放衙空山踏遍古煙霞禾當刈翻愁雨
葉未全枯已勝花僧煮茗爐緣石瘦樵穿苔磴倚雲斜
層巖複嶺窮幽討不覺疎林到暮鴉
咸池五氣接琴臺紺宇琳宮次第開但喜芳塋饒稻蟹
何妨繡屨沒蒿萊步虛共飯青精去舉火窮探綠字回
却笑闍黎勤掃癖問余題筆幾時來

履勘陽山白塔泥經白龍廟作

濯龍出銀海養雲藏玉洞化為精白姿堪供藻繪用豈
知隱士泥竟比外人貢厲禁誰為開虞衡競相訟質成

媿廉平適野勤，倏忽頰怪龍。為靈無端山，得甕道旁經。
古刹碣上讀遺頌，坤腹孕鱗甲。雲膚澤耕種，見田從典。
午立廟盛南宋，氣積騰光輝。日久遭琢礪，尚非金三品。
已令市一闕，何如潛其良。母俾爭吾衆。

山塘晚眺

夕照斜侵老樹，邨舍舟登岸。問邱樊疎林，霞起翻鴉舅。
沃野雲收長稻，孫池落荷衣。魚策策砌留苔，印鶴軒軒。
浮生未遂歸田願，小坐烹茶謝衆喧。

病假對菊三首

一夜西風澈骨涼，望秋蒲柳早蒼黃。關心却為滿園菊。

陶山詩錄卷六

十二

趣使僮奴移上床。

可憐人與菊同龕，苦雨淒風已飽諳。畢竟能為霜下傑，
也應愛護等優曇。

老大惟餘瘦鶴顏，寒花相對鬢毛斑。較量情態誰差勝，
一種清癯讓汝閑。

白雲精舍看紅葉次王南陔同年

紹蘭韻

絕磴千蹊上殘陽，一水橫最憐紅樹外。無限白雲情好，
白推秋史新圖。愛李成倚樓，看不盡霞影落江城。

題李松雲太守

克棟

虎山看月圖

明月照山山盡空，空山受月月當中。何處看山無月到。

何人得月與山同虎山况是香風窟畫舫銀燈背明月
先生朗如玉山行照人秋月無圓缺幽居小寄山塘路
愛上盤陀坐深露劍氣猶憐霸國才石頭頗怪僧羅窟
泉聲雲影悄無人惟有明月照來去不知身在此山中
况復功名等浮寓承明著作本前緣一麾出守又頻遷
秦岱歸來今日事畫圖作自三年前翦取吳淞半江水
攜得齊州九點煙堪笑烏啼曉鐘發漫愁漁火江楓然
白雲精舍看紅葉歌

主人請急方對客山僧忽報霜林赤倘令三日不入山
枯木撐天葉空積主人欣然客亦喜游情勃發沉疴起

陶山詩錄卷六

十三

畫舫出郭暎初紅筍輿登岸霞成綺蕪山閣子出山阿
倚閣看山錦一窩半壑丹楓二月少幾株烏柏斜陽多
鍾恍畫繪莫能狀烘染窮秋生色相山光如夜難庭燎
山容似客酣春釀惟有蒼松翠栢不改移亦如老樹著
花無醜枝閒雲縹緲常衣白盤木輪囷盡賜緋物理榮
枯增感歎已近蕭條翻絢爛頗思秉燭盡幽竒暫趁屏
騶遊汗漫邨外傳餐吠豹喧林閒列炷棲雅散晚風片
片壓帽簷僧約梅開重來玩

題仿石田山居圖

未曾居山中那識山居好展圖如在山觸我舊懷抱出

山悔已遲還山苦不早

題萬卷書屋圖示鑑兒

家無負郭田架有懸籤軸不惜罄俸錢漸已充牀屋先
世頗有藏貪嗜苦未足薄官包山庭快意屠門肉且喜
百城擁何妨高閣束所願子孫傳汝輩豈能讀余日誦
千言老大徒秉燭汝不及百名少小已刻鵠屈屣雖云
多淹洽竟誰屬况彼饒記珠或乃譏書麓近時尚考訂
櫛比致豪禿達者工詞章華瞻誇錦簇數事非所能我
言維可服從來萬卷通不如一經熟窮經務遠大掩卷
思往復禹貢治河渠春秋斷疑獄如此榮稽古不然謂
拘曲汝方補諸生妄自期今僕出身重庶能居家先孝
睦能收已放心自拓無窮目求之貴有恒戒之在欲速
讀書善提綱藏書真式穀吾年且衰矣終日勤案牘汝
能任詒謀吾當返耕牧

陶山詩錄卷六

十四

脩六如居士祠墓題桃花庵四首

綺羅絃管總成塵一種才華閱世新縱酒地為澆酒地
看花人是種花人可憐謝客無遺宅何必逋仙有後身
燕麥菟葵芟剔盡絳桃依舊占芳春
第一風流自愛名佯狂頗得聖之清奏書不逐嚴夫子
搥鼓真同禰正平半偈悟禪空電逝小樓讀畫尚花明

饒他文酒求餘韻三百年來識此生
吾宗衢後數尤奇牢落悲深曠代知一副青衫司馬淚
幾行紅杏尚書詞銜碑土近要離家拾翠人歸短簿祠
千古英雄齊下馬况兼同姓備官司
荒煙蔓草賸殘燈仙館重開問寺僧五十步分樵采路
三千界掃辟支乘乞花好向留楹帖夢墨遺編付剡藤
表墓式廬吾豈敢名流好事寫韓陵

四月晦日石湖觀競渡邀同周約齋禮部維祺馮

松牕觀察克鞏陳桂堂太守張古餘敦仁蔣立臣

業晉兩司馬段懋堂玉裁胥燕亭田若谷鈞萬廉

陶山詩錄卷六

十五

山四明府何夢華文學元錫袁綬階上舍廷樞錢

孫淵如觀察入都補官以綠浪東西南北水紅闌

三百九十橋分韻得橋字又得水字時松恬亦將

北上

石湖送客行春橋橋頭仕女紛遊遨爭看鶴蓋催畫鷁
倩誰箬笠隨山樵石湖故是至能宅新叅幾日歸江皋
阜陵御書兩字勤傑閣天鏡三峯高人生出處有際會
志士慷慨無蕭騷興公作賦振金石齊州整俗師官僚
還家書劍本落落出山車乘方翹翹野王繼踵得弓冶
乘時攬轡揚金貂北上山偶懷菘韭味季卿獨向囊瀛招

方外風流自擇齋席間酣詠先持螯更有拂衣多過作
兼之擢穎工文豪蘇門長嘯若鸞鳳滿座起舞聞笙簫
是時蔓秀萸落矣先期競渡波心起鱗鬣鼓浪聲喧
草木披崖盡霍靡依子夏肱雨跳珠伎人照席霞成綺
楚風但解弔湘纍吳俗長應恨宰嚭屬鏤怒潮空爾為
鷗夷泛宅途經此從來州縣困風塵况以駕駘備鞭箠
絲牽百里終年繫舟近五湖何日檣送人作郡堪椰榆
對客揮豪亦汗泚祖帳深愁江月盡嬰船更見夜光起
拈韻分題綠浪篇銜杯作畫白雲史廡山有圖他時旌節賦
歸來記取僂伽山下水

陶山詩錄卷六

十六

脩陳恪勤公祠

我朝鄉先達清惠公為首以學為經綸與明夏劉友此
邦溯遺愛謂公賢太守祠於郡學宮廉石峙其右我來
拜公像戟髯好身手當官獨強項大吏多掣肘精誠簡
帝心媒孽掃讒口賢良孚

北闕尸祝徧南斗浙楚爛柯香河蹇廣武酒神如水在
地一祠復何有茲焉祀名宦傾圯因歲久文移日往來
官吏鮮奔走小子適宰吳敬恭益顏厚今得賢臺司宜
為良父母奉職乃無能淹官復誰咎典型儼在前步趨
矐乎後慨然任脩葺奚足謝慚忸讀書貴樹立如公真

不朽

題趙北嵐明府

曾

行看子

圖中
有竹

此君清不俗，藐然山澤癯。之子豐軀幹，似與文弱殊。豈知貌魁梧，有斐中亦虛。作書貴瘦硬，覓句含淡腴。以之服官政，定有清風俱。宦輕宰百里，賦重推三吳。昔我簞簋飭，今憂筐篋祛。但能自蠲潔，何以任補苴。我虞顛鼎久，君乃發軔初。因思東南箭，難為董澤蒲。干霄無異策，改柯非良圖。君子映星弁，佳人倚翠裾。莫言行看子，不稱偉丈夫。

題康熙間凌文學

雲升

上遂寧張文端詩卷後應

陶山詩錄卷六

十七

其曾孫壽祺請

往代舉孝秀主者不專遣特重進士科乃嚴秀才選廩膳益增附三年兩披揀我

朝設督學節使埒清顯子衿累千百門牆隔關鍵或乃在城闕未免肆譏辯荒庄固無論狗曲亦已醜舉舉凌先生手書尚完善以詩報學使感激無涕忍遂寧直藻鏡先生何繼繼生徒盡如此風尚豈不腆詒厥有壽祺能守其著撰今年會以文經義足弁篋來脩弟子容早識傳經遠從容見篤行珍重出遺簡讀之三太息古誼令人泣師儒道克敦顛與諸生勉

喜晴

江南財賦首重漕百萬全資美禾耗止則每畝斗八升
豐年尚苦無積糴長夏望雨愁愆期一夕為霖喜應禱
方占大有歌黃雲忽屈杪秋驚白潦晚稻未收早稻濕
高田已濡下田淖我雖畏風乞休沐強起菊皇謁神廟
連朝開朗驅殘雲今日巡行當晚照猶看萬稼棲泥塗
直須旬月暴晴曜村氓甚恐登場空租吏相隨過戶叫
幸逢令甲嚴侵漁無賴運丁逞桀驚譬如鼠豕橫且肥
竟無貓虎除其暴主者寬爾折筧答當之畏若滿原燎
吁嗟晴雨徒憂虞我官已卑難入告

陶山詩錄卷六

十八

秋日擬杜工部十六首即用其韻

天河

金精積衆曜雲淡映空明乃入寥天一况涵秋水清紅
牆橫碧落銀浦隔層城便欲乘槎去江潮夜夜生

初月

返照分一線歸鷗棲未安眉初畫有彩環待合無端斫
桂影自曠開奩光已寒好憑脩月戶積玉映團團

禱衣

寒景急刀尺空閨懷藁砧月懸霜杵淚風動鐵衣心傳
令裝棉早銜思挾纊深何勞重寄遠山響劇秋音

歸燕

蟄穴定何處西風毛羽稀故巢無久住同社或先歸
勤苦自生性往還皆化機塵樊日羈束羨爾故飛飛

趣織

聲自草間出天寒彌近人能令嬾婦起獨與紡車親
機杼為誰急蘭缸常達晨已過授衣節督促聽來真

螢火

幾時腐臭化便帶野燐飛月出還依草人來喜著衣
珠從朝露散豆向夜燈微未信光能照迷途引馬歸

蕙葭

陶山詩錄卷六

十九

瀟灑有遠致其如瑟颯何煙籠蒼欲暮霜壓白添波
疎影藏鷗少寒聲入雁多天涯看歲晚人事莫蹉跎

苦竹

短柯自勁直苦節復堅持但恐托根淺翻滋叢薄疑
枯禪知此味行路棄何辭芳樹同甘井誰人獨念茲

除架

秋風迅如掃木葉雨中疎果蔬垂無幾蓬麻罨可除
今棚曾莞爾補屋尚茫如歲歲斂藏事都為興作初

廢畦

經霜菜添味著意護摧殘抱甕向斜照鳴菴驚早寒
綠

菘宜晚摘旨蓄趁秋闌一箸生涯在長懷首着盤

夕烽

不見平安火纔知境不安煙從風定直燄為雨餘殘未
燎求寧易方難欲靖難四山刁斗寂常作警傳看

秋笛

若令壯士聽中夜起披衣楊柳幾搖落征人猶未歸關
雲沈劍閣塞雨冷金微忽覺春風到寒鴉向晚飛

空囊

鉛汞鍊有術瓊糜飢自餐不然倒篋易但欲括囊難糴
米夏偏貴典衣秋早寒蕭條已如此猶作計研看

陶山詩錄卷六

二十

病馬

骨力異個儻馳驅風雪深寒來苦病肺傳至輒驚心芻
豆豈猶昔鹽車難自今主人容伏櫪戒汝莫長吟

蕃劍

來自日本國那堪星宿裝似將避神物不敢露鋒芒操
者縱能割恢乎宜善藏原非大食寶甘讓管涔王

銅瓶

此器亦已古居眉皆汲深但憑綆索上未斷轆轤音鮒
谷漏還挹鴟夷圓不沉美人抱空質何日重兼金

周端孝血疏歌

端孝名茂
蘭字子佩

周吏部死於璫崇禎改元再刑章寃得雪贈太常一解

其子茂蘭痛父仇在奄黨叶猶稽顙戮報未償蘭足京

師搏頰巖廊血誠上訴冀得當二解刺指出血楷書貼

黃書成十三行凡百四十四字字字端莊三解姚公見

之動容恟惶惜哉一語涉疑諱勢難更寫指已創四解

茂蘭潛然曰指枯舌尚存更寫庸何傷舌血赤於指赤

心達我皇五解疏既上叶上憫其誠叶乃誅倪暴毛國

法以彰又褒其先世三代皆贈太常六解茂蘭血去惕

出獲所望猶痛深創鉅終身悲慕不能忘前疏在謹自

藏七解嗚呼指尖秃舌本強叶舌血之疏達宮闕指血

陶山詩錄卷六

之疏藏巾箱傳之千百載教天下子純孝臣忠良八解

吳縣學宮禮器成紀事二十韻

三吳文物盛一代典章存逢掖徵儒行宮牆仰禮門中

丞嚴簠簋下邑足雞豚儀自太常習教由宗伯敦岳中丞

故禮器禮部最詰上丁陳俎豆先甲演朝昏展器求明備為

容試駿奔牲牲今几案酒醴辨彝尊搏拊聲依詠編懸

例用軒雖雖堂上下秩秩位卑尊郡學齊興舉鄉庠亦

討論鑄真銘大晟球自琢靈源縣修樂器得宋鐻鐘持磬

韞雞人戒曉暎經生通律呂謂俞生博士薦蘋蘩樂舞

和為節師徒靜不喧我公初出令羣士有煩言陶淑潛

相感漸摩矢勿緩土滋知雨化草偃愛風溫韓勅宜刊
德立碑吳縣學中文翁共沐恩祇緣躬作範豈畏毳如璫樂道
流餘韻聲明重大藩

題汪浣雲同年彈琴圖二首

美人曾贈朝陽樹俗吏誰逢海上仙笑我也思鳴宓子
羨君早已悟成連戴星強學高山操聽鼓難忝槁木禪
十指如椎不成調浪誇彭澤本無絃

屢依石榻聽清彈抱膝還從畫裏看寫出水雲秋響澗
恰當松竹夜吟寒吾師尚說安絃易有客偏愁識疊難
一任昭文常挂壁焚香展卷月闌干

陶山詩錄卷六

二十二

橫塘亦有六如墓並加封識仍用桃花臨原韻四

首

白玉樓成隔兩塵水村山郭幾番新未知若箇眠雲處
想見當年荷鍤人蘭若舊藏題後碣菴蘆雅稱夢中身
橫塘十里秋聲館合與芳園一例春
荒邱冥漠不書名訪到山橋澗水清指點青燐孤月出
侵尋黃壤亂雲平一杯馬鬣新封大三尺雞碑小記明
過客莫歌蒿里曲早歸兜率悟無生

菱芡重重鼎俎竒橫阡設祭暮雅知唐風賸有毛萇傳

楚些曾無宋玉詞

毛子晉嘗封表之置墓田丙舍紀以碑今無存惜商邱中丞未曾議及

地以滄桑沉斷礎人於伏臘走叢祠秋來雁稅從新占
憑仗村翁社媪司

文人慧業照元燈

墓前碑仍題
明唐解元

煙穗前生記老僧花隴

吟樽延客賞石湖釣艇沛吾乘城開更注千年漆松茂
長牽百尺藤疑冢却嗤銅雀伎空教賣履望西陵

題明舒文節公

芬字國蒙
號梓溪

探梅圖說真跡

老梅似鐵忠臣骨古幹著花橫突兀乾坤作意加摧殘
誰向天根探月窟當時探者伍寒泉公雖未往神能傳
就中指點先天畫凜凜生氣浮豪牋鄧尉梅花千萬樹
我曾一探巖深處歲寒潛感素髮心雲凍迴隔紅塵路
空谷無人弔幽魂孤山高詠不可聞愛公千載風霜節
長留一卷冰雪文

陶山詩錄卷六

二十三

題韓旭亭丈西山紀遊圖

廿年踏輦紅綃縹緗化素飽聞西山奇苦乏濟勝具十
年官江南合諧山水趣那知尋壑緣日以聽鼓誤吳亦
有西山靈巖與元墓探梅劇風雨奉檄匆匆去東老客
春明選勝如逢故歸來示我圖蒼翠開曉暮中有餐霞
人筇枝引芒屨撚髭凡十篇彈指已三度名山故多奇
達人乃恒遇我今遷海濱回首江天樹翁歸吳中山
色迴披霧笑我經過忙知翁來往屢更作西山圖吟筆

想新注

平江留別三首

十載胥江柳三春鄧尉梅看花曾幾度鼓柁又相催
羸得霜添鬢纔容月滿杯郵程隔千里慰薦指岑苔
吳中好山水昕夕對衙齋况以賓朋樂兼之雲樹佳
輿情看竹馬客思在芒屨記取留題處斜陽繫別懷
淡旬逢餞席行日趁花朝樹影春隨榜鐘聲夜到橋
水通淮海潤山入莒齊遙別後如相憶聞來鶴可招

陶山詩錄卷六

三十四

陶山詩錄卷六

山詩錄卷七

善化 唐仲冕 六枳

胸海集

陪許繇兩觀察及陶王二詩人飲雨花臺遇雨

雨花臺畔雨初來
雨花臺下花正開
臺前白雨雜紅雨
臺上深杯和淺杯
看花花遠近
銜杯對客客徘徊
元度高風評月旦
興公雅韻賦天台
欲向丹爐誇宰相
還揮玉麈話宗雷
坐殘金粉餘花落
醉倚闌干驟雨催
可憐雨歇應官去
聞忙自別同岑苔
名花應笑人如雨
閱盡登臨是此臺

陶山詩錄卷七

之海州途中作二首時長兄鞠溪同行

小艇停橈後
單車叱馭初
逢迎無隸卒
勞問有邨閭
照壁已驚蝟
攜裝惟累書
風塵今滿面
羨殺隔溪漁

却緣行襪被
正喜話連床
草憶鄉先綠
鬚憐弟早蒼
問沽花外屋
遲渡柳陰航
忽憶衡陽雁
看雲向夕陽

七弟時在

沙長

抵海州任二首

海山深處策征駢
敢道遷官好
息機屈指歲華三月暮
回頭宦跡十年非
自慙素飽占鴻漸

筮遇漸之巽

空羨高鶩

看鶴飛入境
麥苗愁欲槁
下車先與事春祈

擘柳風來坐撤簾隨車頗惜雨廉纖都亭豈有于公獄
闕市曾無學士鹽樹擁胸山雲護郭花開石室月窺檐
佩刀解識攜鋤樂但祝春膏遍野霑

雲臺山禱雨

雲臺山古鬱洲山裨海環之三百里中結靈宇棲仙真
三元分司天地水但有功德施人寰何須祀典著書史
我來正值春恒暘秋種不下麥苗萎靡神不舉曾莫聞
躡谷攀崖虔禱祀潮淤十里行沙田磴踏千重到階危
巍哉儼受百靈朝莊嚴冥啻三公視我聞天噓地吸氣
交和下水上騰雨湧沱神兼重黎與元冥况以海若能

陶山詩錄卷七

推波天門開兮詖蕩蕩靈之來兮屏翳上匍匐丹墀九
頓首靈之格兮豐隆走胡為乎夜宿山寮月正中狂飈
入樹聲摩空坐令兀膏失民望唯以弗蠲求我躬昧爽
再拜申情迫顛呼雨師訟風伯傾山倒海溢阡陌三日
為霖神之澤不然禦菑捍患神無功蒼梧雲氣空濛濛

宿田家

非關雨後樂行春視事街彈語漸親偶見雉桑勤問俗
輒逢雞黍款留賓半犁小麥初成穗一榻孤衾未拂塵
曉日窓前聞叱犢驅車便作勞農人

得雨紀事

伊余下車初暮春之六日得雨僅扶寸農民競稱述不
雨自秋杪空靚郊雲密時維月既望雲臺歎神室五日
以為期夜窻聞瑟瑟此雨倍前雨萌達勾者出浹旬復
呼零薰風狂應律延至四月中窮簷號痛疾內省司牧
愆外施繁露術惟神真慈祥惟官深惴慄始來快霑濡
繼乃更洋溢秋稼可全滋春麥亦半實撤壇賞巫覡擊
鼓薦芬苾嗟我海濱民十年九振卹雨少星在留雨多
泥沒膝視事將五旬祈禱獨專一得雨憂方長詎敢歌
桎梏

河豚子

陶山詩錄卷七

三

萋蒿滿地河豚上天遣雙魚躍入網漁者登市屠者烹
謂子有毒投糞壤東家大兒拾之歸五口煮食留一盞
其父外至方朶頤兩穉仆地如藥仰三人委頓亦呻吟
乃棄其餘發竒想啖兒誣指餅餌家小嫌乘此報疇曩
我觀牒詠生太息幾致可欺亦可罔那知天昏札瘥中
尚施伎倆為罔兩小兒無詐烏鳴哀未信此語真不爽
詢實立召屠漁質魚皮具在獄無枉天生毒物毒心毒
三子一朝殺其兩若無此獄人不知炯戒何待通衢榜

捕梟行

海地掘井得鹽鹵灌於土池入甌池風颺日暴一晝夜

堆霜疊雪掃紛披淮北引鹽獨在海三場總隸一公司
行銷豫州及濰皖私販出沒爭居竒曬鹽竈戶商所役
收鹽已垣竈所為每鹽百觔錢三十掃池運垣無備皆
私販百錢還自運况足引額餘京坻竈樂就臬臬暱竈
巡邏兵役皆其私百十為羣水陸進連檣擊轂莫敢誰
舟由沐河度漣水州西門外海之涓先除肘腋潢港斷
次按邨落戈矛隨聞風鼠竄走僻野棄鹽狼藉彌荒陂
焚車毀屋逐奔北繫所隱器先榜笞更從來路設防護
申嚴連坐懲見知捕臬已盡僕區法臬若大屈反有辭
無業不敢為盜賊有利誰弗趨便宜地不受寶惡棄地

陶山詩錄卷七

四

安能盡籠入度支自食其力乃扞罔因民所利豈漏卮
往時厲禁頗弛緩今日掩捕窮彫疲頃已潛逃同困獸
公猶痛嫉如惡鴟公矜明察當自近物必先腐蟲生之
我聞猛省復開諭爾歸就業我弗追
朝廷立法作隄塹有常無救莫怨咨力剪胥蠹得奸猾
內考政教慙闕遺歸來靜對石室雨學士高風安可期

板浦舟行

中河未放開水淺僅容舸官舫小且敝聊謝陸行勞東
風阻莫進百丈挽不牢頗苦移舟緩輒懷破浪豪躁心
生悔歎靜念乃宣驕君子貴居易素位隨所遭試泛溟

渤中陽侯起波濤方思野航穩春水宜半篙

所見二絕句

刈麥郊原走合家黃雲收罷日西斜健兒叱犢搖鞭出
乘穗爺孃共一車

兩三間屋便成邨炊在床頭確在門辛苦婦姑謀曉爨
數聲杵白月黃昏

將赴吳門舟中述海州風景十首

入境難求水味甘黃茅白葦駕驂驪那知雉堞北山北
却憶鶯花三月三雲氣忽然來海上風光全不似江南
曼卿已作芙蓉主但賸巉岼石一龕

陶山詩錄卷七

跡故

下車三日上雲臺不為貪看疊嶂開紫府神君蟠島嶼

綠章封事啟風雷黃公冢上晴煙散孝婦祠邊暮雨來

小麥高田望霑足青伊湖已怨汙萊

恬風古渡白沙平峭嶮飛泉尚有情鮮拂唐碑師子石

鬱林觀有唐崔雲封木堞鳳皇城

波未靖曾裁海鰲極常安特建營欲訪秦東門刻處之

杲縹緲晚潮生

元虛作賦不言鹽府海由來厲禁嚴利奪牢盆齊國煮

法施足趾楚人鉗池通方罫連天白垣起圓椒突地尖

石曼卿嘗判海州有芙蓉洞萬花巖

物產無窮民產匱最難調劑是閭閻

景疏臺上舊懷清鼓篋譚經几席橫月旦有人推許劭

風流他日繼匡衡觀風試士得許生桂林為雋親裁甲乙三千牘會

關東西一百楹擬建書院試棚故云莫怪天荒緣地脉五雲深處

即蓬瀛

絕潢斷港壅溝畦半近山阿半澗谿一畝宮多無甲第

七施泉少有庚泥爰居門外風常壯牡蠣墻頭日易西

不是催科全不用年年蠲緩養窮黎

聞道重湖水易潛桑田六月化沮如當乘未雨綢繆早

敢使無鳩勞來疎漢案戶疑通博望沙盛囊似困龍且

陶山詩錄卷七

博望龍且殷勤父老條宣洩勸我循行有故渠青伊湖受駱馬

二鎮名湖水分溢害民田廬當於下流開渠通潮以洩之

雨餘石罅水晶圓採掇從他不稅錢偶下朱符徵鶴戶

州產鶴有鶴戶近亦不易得頻題墨榜揭漁船仙禽豈受官徭繫水

族何容伍藉編多謝山樵獻山藥州產何首烏年來鬢鬢已

蒼然

馬疲東野想優游到此崎嶇未少休桑孔兼權州刺史

邾滕小會澤諸侯訟庭那許清槐夏行縣難逢稔麥秋

轉憶送迎當赤緊看花選樹儘勾留

中河波淺棧輕艘信宿符簷旅店窓打麥聲中嘶小騎

轉蓬塵外度橫杠潮音已上琴三疊舟具曾無鶴一雙
路入淮陰風色利蒲帆半日到邗江

鮒魚

海氣腥聞座輒思江水深及時逢客路入饌動鄉心參
政原多鯁南豐自解吟豪家那識此早市費兼金

枇杷

上市已多時舟行到手遲擘開無獨核剝脫有乾皮頗
覺色香減還憐風味宜差勝後來客采葉向空枝

丹陽水嬰

江南曼行魚龍戲競渡樓船喧鼓吹贏得傾城萬戶觀

陶山詩錄卷一

七

不惜傾家萬錢費胥江邗江稱第一常州潤州乃其次
傳來吳越春秋篇法本荆楚歲時記前年厲禁嚴毘陵
怨結搢紳及官吏械繫其人沉其舟司空城旦投遠地
我為吳宰通民情示以周防懲恣肆石湖召客羅笙簫
金閨列舫分旗幟重午節宜侷子呼一日澤有江神嬉
今年移牧東海濱投龍禁雨雨不至大壑如聞割耳腥
重淵一任探珠睡葉公鱗鬣好非真坡老樓臺見豈易
渡江五月月幾望鮫人歸室蚪宮悶輕風細雨赭圻城
仕女謹聞簇簪珥波心飛出兩白龍頭角崢嶸尾如植
停舟坐愛盪桴舞隔溪已見荇苒醉餘波綺麗偶然逢

使我張觸生感喟

題汪浣雲琴養圖

出以琴治民入以琴養親一奏花間野雉馴眷然歸報
堂前春春暉晚照春和盜橫琴不羨鐘鼎養子姝來詢
出山期畫圖省識忘憂狀憂深風樹子皁寒哀切梧捲
子夏彈南陔白華補笙曲玉徽金軫懷熊丸我聽君琴
輒三歎再拜從君學操縵履霜誰為尹伯奇戴星徒勞
宓子賤君今改秩尚書郎遺訓依然奉敬姜顛移孝思
作忠悃上佐

薰絃解愠宣朝堂

陶山詩錄卷七

攝山道中却寄孫尹圃刺史

源潮

衙散理征策郊行寥別祛官原同雨集暑斃倩風除樹
影綠成幄蟬聲清到輿寫鞍山下路一艇載琴書

竹墩行

曉行至竹墩飢餓日將昃下輿入閭巷婦嫗為營食羹
除一席地容我坐偃仄苓通環其中襁褓卧其側屬我
善視兒與我新炊稷竈餼煙乍生瓦盆手頻拭須臾進
餅餌致詞多抑塞亢旱傷禾苗淫雨害稼穡粟豈有
餘壺殮非易得官無嫌草具民且憂菜色方飢便圖飽
既食乃復餒一日尚難忍終歲奚由息民以食為天官

以養為職愁對盞有饑何心肉無墨

陪方伯檢災海汭浹旬乃歸卧疾感賦八首

瀉鹵荒磽地風塵老病軀政疎空望歲民困勉求芻頗
訝田三壤偏傷海一隅臺司果求瘼先請驗官糴

行部寨帷至陳詞負弩先稻孫無復望耕父謂早苦相纏

飢雀噪荒日哀鴻橫暮煙夜分猶請聞攬轡已悽然

流庸欣得請下邑又經過沐浸全通海湖流徑洩河人

依牛屋少地接犬牙多竚盼飛章入歡聲滿澤陂

自我來東海長年不住車蒼龍春禱雨黃鵠夏疏渠秉

火糝蠹賊籌鹽裕蟹胥纜經秋後雨種麥課犂鋤

陶山詩錄卷七

九

今歲百年半來朝九日重商飈吹短髮曉露滴疎鐘客

未題餞集兒於落帽逢鑑兒自吳來省
僅於途中一見馳驅空碌碌何

計遂攜筇

兄自十年長弟皆同月生老因間轉健宦為拙難成鶴

有南飛曲兄年六十同
人作扁頌之鴻無北鄉聲近未得舍
弟消息衰齡鍾

枕被客裏倍關情

國恩原似海臣壯不如人但使窮黎活何辭大府嗔遷

官憑累歲行縣輒經旬訟牒迎門入頽唐媿此身

却笑忙初定方知憊不禁胛風經雨重肺疾入秋深衙

放黃紬被囊空綠綺琴無才堪卧理喚起聽鳴禽

修先農壇

海濱故荒瘠農事亦鹵莽雨暘稍不時旱潦即成象本
無德維馨遂致神弗享我來事常雩先期肅瞻仰豈知
出郊門牲牢陳糞壤後有藏主室婦卧兼兒襁褻慢既
如此何以通肝鬢惕然除不蠲修葺得軒敞壇壝周三
成墻垣繚十丈行路生矜莊耕忙默憑仗水恠龍罔象
山恠夔罔兩神力能驅治物鬼敢王長如何二麥枯暑
雨更決湔秋稼宜滋濡秋陽又晃朗乃知政未修難期
應如響何異操豚蹄篝車祝豐穰成民方致力此理原
不爽顧民實何辜罰當歸職掌惟神愛斯民長令得所

養

鹽河阻風有感四首

中河通甕瀆放楫水奔下渡河至朐山遙行一晝夜今
我計迴帆三程如一舍豈知見天根溪流停不瀉中宵
起狂飈篙工忽驚訝牽纜平沙厓歌逢巖塞罅凡事難
豫知欲速且權罷

水洄不成河舟小不容席風急苦相乘飛塵滿巾幘如
車行燕齊襍被擁沙磧掩閉晝欲昏歎心為形役江海
有洪濤震蕩乃巨舶每當風浪翻輒喜波瀾窄

羸軀困鞅掌倚息不得卧吳牛見月喘况受風鼓簸小

航巧納風終日苦兀坐渺慮欲成眠
簸簸生咳唾雖未憂沉淪翻乃蒙
堦堦何如斗室中鍵關事清課

日者河北溢豐沛浩無垠幸而堤
埝築波未及海濱頃聞南岸潰泗
澤漫通津田廬皆墊隘賙卹方紛
綸即我海沐地蠲賑賴

皇仁以彼溝中瘠視我舟中身
彌深失伍懼敢作懷安人

得替後赴沐稽賑作

詔許遷階上計行暨時受代喜
無營却緣授食登民數

尚緩驅騶入

陶山詩錄卷七

十一

帝京集澤最憐鴻雁影
違山獨聽蟋蟀聲
羸軀不敢圖休息
藥裏常攜伴曉征

胸陽道中曉霧

寒煙漠漠草萋萋
如水如雲望欲迷
澗外浮將平楚動
山頭暗與半空伍
風生曙色衝鴻翼
潮退沙痕試馬蹄
此日經行憶秋潦
驚濤洄盡擁塗泥

大風道中

海國朔風驕天寒
雪意饒雲隨潮並
黑山與樹俱搖蒙
袂人趨郭衝泥馬
怯橋從公數來往
歲晚更蕭

寶應阻冰

層冰兩岸合短棹一江橫立刀山影漸流鐵馬聲緒
風宵更急寒日午猶輕客路貧船逸還愁攬轡行

高郵遇鑑自吳門來即攜歸吳二首

歲暮思相慰官閒喜乍迴前時曾遣信知汝必當來
驛逢人問衰顏為爾開隨行親授騎江路夕陽催

未至停輿遲當餐輟箸籌米鹽諸婦理親串幾人留比
屋方祠竈通津更買舟吳門十年寓便作故鄉游

歲除抵吳門

海上歸來不當歸卑橋僦屋掩柴扉宦遊係戀惟家累
歲暮團圞正夕暉作客親朋齊握手候門稚子近牽衣

陶山詩錄卷七

十二

避人自作奴盆樂樞馬林烏且斃違

癸亥元旦仍用除夕韻

新春未到我先歸已見松枝插兩扉燈下篋陳搜宦稿
憲前樹動透朝暉也須少酌屠蘇酒那許全披薜荔衣
正恐當關呼不置鳴騶催起寸心違

雨後發金陵

十日趨牙了便回憑軒空望雨花臺風生手版看山後
雲壓肩輿出郭來春樹濃陰低尚閣寒鴉晚照遠還開
自慙俗士孤遊興應遣歸途軫欲摧

春分前二日鄧尉看梅

一夜東風忽放晴美人林下最關情應憐此日間能到
莫悔從前看不成鏡裏須眉輸我白年來腰腳為君輕
攜琴有客操三弄靜聽高山流水聲

若非鄧尉逢仙尉

謂蕭赤邨

那許羅浮共拍浮

拍北嵐相

未

信春寒相欺得可知鄉夢正酣不色霏晚霧千邨合

香趁斜陽一路稠指點兒曹作圖畫他時桑柘但鳴鳩

題吳槎客

騫

細雨東風圖三絕句

畫艇看山已卅年我來讀畫憶從前曾經罨畫溪頭路
頻上米家書畫船

春江滑笏碧於油問訊東風片席收無雨不晴天氣好

陶山詩錄卷七

十三

載將春色過江不

無雨不晴天樣
客姬人句也

自製溪船一葉輕長年載石壓風行却憐便面催春騎

爭似五湖煙水清

閨花朝虎邱市蘭即以留別

去年逢花朝餞席花成陣今年別虎邱又值花朝閨時

已一月遲花尚三春吝惟饒崇蘭香不誤東風信就中

得素心相攜映華鬢送者日以疎行者意彌親不愁蘭

不香倒畏香已僅

謁郊城孝婦祠

婦孝姑顏姑壽姑既亡婦何有太守縱不治于公縱能

白婦亦將自裁婦亦早自責從姑於地下於死何所擇
在獄則為寃在婦寧思痛皇天哀憫婦無辜枯旱三年
雪此訟官來禱墓天乃雨海枯石爛婦無語東海有祠
並祠姑婦所憑依奚忽諸

朱次韻周雲臺二首

十年重踏輒紅塵恰遇西窓翦燭人久別倍懷行役遠
往年別時予方有開隴之行相逢且喜撥科新雲臺登拔華科官如上竹梅

公老道在羹藜季次貧自笑從前膩顏恰郊原幾見草
生春

會吟佳句癢能搔曉日還看策六螯塵鞅那堪詢宦藁

陶山詩錄卷七

十四

春明端不困詩豪慙逢舊雨生車耳頗訝新霜滿鬢毛
咫尺銅街類衡宇晚涼乘月話江皋

題西涯賦別圖

有序

五月一日謝薊泉侍御楊蓉裳員外芳燥吳山尊侍

讀蔣邀同伍堯梧門學士法式善何蘭士太守道生

朱野雲山人鶴年餞別於城西極樂寺因拜明李文

正祠墓野雲先作此圖題詩三首

一別動十年人生幾回別此別更何時重尋舊車轍因
之感將離題襟相慕悅新知與舊知強半在朝列而我
為外吏都門頗隔絕會面經風雨盈髭見霜雪若非郊

外遊曷解離腸結

夜雨開曉晴郊原淨如洗招提敞虛亭林樾搖清綺似
聞子規啼散步入墟里新阡拜昔賢况乃吾桑梓當年
懷麓堂匡時有微惜彥博既同譏庭堅乃不祀後身三
百年封樹出遺址天道有時窮因果信佛理慨歎求西
涯微茫辨煙水

未游先作畫所畫非所遊但能得畫意何必與遊謀未
畫先有詩其詩豈其畫卻恐詩不成翻以畫為迓斯遊
已陳迹何論畫與詩西涯定何處安問遊所之古人重
氣誼贈言在臨歧緬懷前哲風欲訂後來期

陶山詩錄卷七

十五

次韻周春田考功都門送別

久別得新聚趨謁忘衰老同年三十人盍簪話遠道同
鄉更情親氣誼幾人好秦系自垂髫風檐訂交早

謂竹
涪儀

離合四十年往事費尋討小謝山水豪衙齋曾一造

謂蘇泉
侍御

詩酒洽芳辰風雪吐幽抱日日期我來喜色動

初到念君十載前春明披翰藻跡隔塵外游詩傳宦中
橐著述師羅隱丰裁跋鄒浩既搜洛下才復譽黔南髦
說士甘於肉論文監其腦自言習靜娛足以除熱惱寫
經追墨皇抽秘檢鴻寶考功尚書郎持衡無顛倒姓名
已書屏風化行偃草笑我作吏疎積日成功少欲辭州

縣勞媿對溪山繞，譬如小兒劇塵飯，何能飽相期。執友
箴切戒庸人，擾矧茲學殖，荒雕蟲失其巧。來詩謬以博
瞻見推故云
鬢髮固當變，會合安足保。良朋若雲龍，東鱗西見爪。令
名德之興，可以長壽考。

次韻楊蓉裳農部贈別四首

知名未識面，憶昔道平涼。喜見吟編富，徒歸驛路長。
人傳風靜好，山隔雨淋浪。何意緇塵裏，相逢是別觴。

聞君才最劇，殺賊陣先偏。猘獠方投骨，螳螂早捕蟬。
除襄克詰鎮，定悟安禪磨。盾長歌在當，思慎僕緣。
上計三城最新除，十載遲却將拊循術來濟度支時起

陶山詩錄卷七

十六

草頻當直舍，香且賦詩郎。潛君莫歎笑，我又鞭絲。

乍喜銜杯合，那堪折柳新。披襟亭却暑，揮麈座生春。陵

下踟躕馬橋通，宛轉輪多君。題樂府，傳與種花民。君譜
桃花

陽一
故云

次韻謝時帆洗馬西涯賦別四首

未踐遊山約，何辭載酒行。遊西山未果乃
錢城西極樂寺十年聯小騎

幾日別層城，快雨經宵滿。濃陰傍郭生，朝來多爽氣。柱

笏畫先成

東閣昔未去，西涯今再來。荒阡無客弔，叢棘賴公開。李
文

正墓在畏吾
邨君所封樹石闕封三板，山泉薦一杯。從今禁樵采，甚

欲種江梅

謂我同鄉井前型善濟時今年先訂譜論世合鈔詩跡

顯竒童早文傳慧業遲江河流萬古輕薄任嘲嗤

積水自通海聯鑣齊到門

君言西涯即海子在城中君所居地

廳餘旋馬

地城有狎鷗邨聚散尚難定推遷安可論桔槔亭畔路

記取舊苔痕

陶山展墓四絕句

嶺上孤雲客子魂十年纔一掃荒原北堂倘許謾長在

歲歲何堪日倚門

機杼聲聲曉復昏而今綵服拜

陶山詩錄卷七

君恩巾箱檢點爛衫破難覓當時舊線痕

入夢慈容尚練裳牽衣回首話偏長分明指點歸來路

至竟泉臺戀故鄉

經營幾日住山齋恰與銜泥燕子偕多愧結廬留不得

鄰翁遮飲杜茅柴

登岱遇雨赴沈舫西太守

混

招飲二首

憶昔頻登封禪臺履痕重覓莫遲迴忙人那比閒人得

今雨還同舊雨來半壺泉飛渾作雪萬松濤起便成雷

山英頗似曾相識巖際晴雲為我開

雲開霧合總竒觀倏忽前峯驟雨殘地近三天疑乍曉

人忘六月怯輕寒
絺衣輒倚松陰蓋
茶竈堪烹石髓餐
太守作霖行已偏
琴樽邀對月如盤

陶山詩錄卷七

十八

陶山詩錄卷七

良陽水清澗
斜蓋茶竈
烹石髓餐

陶山詩錄卷八

善化 唐仲冕 六 枳

胸海二集

回任四首兼寄呂萊園觀察

昌際

彤庭謁後拜真除
大府頻催敢息居
新錫簪纓懸百琲
重來旌飾擁單車
白頭自笑遼東豕
穎尾還憐海大魚
求牧求芻知不易
滄浪未得羨溪漁
洪門飛雨挾潮回
城向山屏百堞開
渡口日斜窺石室
樹頭風定認雲臺
但餘故壘平章築
那有新花學士栽
多謝青衿與黃髮
道旁齊揖使君來

陶山詩錄卷八

去年小試趙張風
俗尚敦龐已漸同
秋入留星愁渴鮒
春生甕露息蜚鴻
初營學舍烝髦士
頻禮雩壇應上公
見說昆蟲今不害
孫洙自昔奏民功
謂孫尹
國刺史
文吏休驚駕鐵船
每從周度佩韋弦
鐳絲在篋常懷友
拔薤當門顧事賢
青嶂丹崖容我造
曲臺淹僻有人傳
循行恰遇秋郊雨
蟋蟀聲中種麥天

狸奴

屋壁久而隙羣鼠
穴為涵我來新置榻
糞除積塵坐縱橫
几案間牽引日相
恩白晝不畏人非
擊未肯遜齧
夜尤劇擾眠幾委
頓呼童聘銜蟬長
不及五寸頗疑乳

未充或為鼠所困豈知氣全吞不假力能健户內竟寂
然往往聞吐噴食肉寢其皮狼如報讎恨點者猶潛藏
窮搜無滋蔓嘉爾騷除功勞以魚羹飯

郊行小雨

西風能作冷細雨不成泥五夜侵雙屐

是日五更步濤

終朝欠

一犁麥苗須破塊菜甲待疏畦倘得隨車澍何愁滯馬
蹄

宿城早發用寺薜程臨臯韻

曉光山色影交加盡是巖居谷汲家深澗護田多旅穀
寒雲養洞有團茶秋潮已落沙隄澗野燒初開石徑斜

陶山詩錄卷八

海上居民自淳古那知鶴蓋與烏紗

重九登高公島望海

登高須登海上山望遠須望海邊天山不在高高臨海
海不必遠天無邊雲臺之北高公島海水平低天亦小
島內沙田日日增海中之水年年少灘行真自海中來
襟袖微霜拂清曉秋生杖外煙霧開潮湧腳底風霆繞
我窺溟淖欲乘潮龍宮貝闕呼潛蛟不摘驪龍領下珠
不探鮫女室中綃但願修鱗巨鬣騰波濤倒翻海水流
隕臯爾如僵卧不肯起借我神馬傾天瓢

九月十七日喜雨二首

徧祈羣望不辭勞考月占星定幾遭頻見滃雲橫半嶺
纔來快雨走平臯夜深寒幔聽檐雷曉起攜鉏驗土膏
最怕涼颼吹欲斷庭前老樹靜無濤

畢竟吁雩久至誠浹甸方許課深耕倘仍不雨嗟何及
卻喜吾亭尚未成合耦底須催保介歛幽準備賽神明
昨朝恰會乘槎客應有為霖應候生

先一日試士取入
新建石堂書院

郊外

郊外平蕪入莽蒼郊行小隊趁斜陽秋殘落木迎風急
雨後流泉出澗長雲雁字如今篆隸飯牛歌自中宮商
海濱儘有閑田地倘可耕耘便富穰

陶山詩錄卷八

三

新作乘槎亭疊東坡和陳海州乘槎亭韻二首

未能乘去到天涯敢忘湘江舊釣槎樹為結廬吾亦愛
亭逢喜雨衆無嗟頗疑斤鑿來脩月不倩鍼盤為撥沙
玉局何須羨安石年來兩鬢已霜華

秋水年年溢渚涯忽愁湘外卧枯槎未興鄭國開渠利
卻憶黔婁授食嗟靈雨應祈飛絕嶠來年乘暖茁平沙
漁舟雅有桃源興合補黃泥記物華

眷屬至署仍疊前韻二首

宦海隨流倚海涯真成淺水槎行槎但宜芸案供佔畢
那有萍齋辦咄嗟妻子無家仍入舍親朋小聚又搏沙

疎篷倘許風能舵，便向蓬山采石華。

蟹舍漁莊天一涯，雁聲聽逐楚江槎。幸無入室人交謫，

那免登岡弟曰嗟。開兄弟南來而七姪近喪少壯竟難消紫綬，衰癯

何處覓丹沙。耿蘭報到先淒絕，無限摧傷為隸華。

龍溝視鹽河西汎有感

淮北運鹽自板浦南引中河，通北渚西受駱馬兩六塘。東以莞瀆作門戶，分流入海設六壩。啟閉視水為吞吐，就中武障立月隄。排黃更藉湖水禦，每歲漕艘盡渡河。始開插版濟嵯賈，其時鹽事初經營。往往溽暑逢大雨，西岸田疇低易漫。商儲民洩相爭拒，龍溝舊立志椿碑。

陶山詩錄卷八

四

五尺為期達臺部，邇來河底多淤泥。纔通重運溢邨墅，今年都轉不及時。又遭秋暵成斥鹵，洪流北徙出故道。中河欲竭停檝櫓，幸將升斗乞監河。分潤通波商鼓舞，豈知浥注便奔騰。民田已在河之滸，農吐匍匐訴公庭。種麥在田菜在圃，一旦膏腴變沮洳。速開武障猶可補，武障東橫高丈餘。一洩無餘運道阻，農商皆為

國利賴權其輕重，農為主戴星衝霧到龍溝。登隄一望

迷浦，淑父老來言水勢衰。項冲義澤疏深隄，倘使來源

漸滄涵姑留武障，尚無苦嗟。余忝為民司牧，坐視倉箱

沈澤藪。叶明春縱可播來牟，先時愧未籌桑土。前年霽

河有成謀事賊於需終是蠱渠成利農兼利商急詠民
莫陳大府

燕書院諸生用昌黎燕河南府秀才韻

海邦百餘年遭逢泰階平胡為升秀秀未聞擢奇英近
年登賢書二士纔貢京讀書貫窮達豈必誇科名

朝廷籲寔俊闕門延儒生他途無寒士學術當致精春
明懸藻鏡公車來轟轟一朝騰茂實千載傳休聲此邦

曠臨海空望波濤驚意者若鐘鼓未撞無由鳴迂疎忝
師尹湮鬱見人情急謀造學館踴躍如先爭觀風試招

徠如蟻聞薌烹卅角挾方冊眇昏窺短檠文瀾既浩淼

南山詩錄卷八

五

雅意須澄清上舍虛几席倚齋獎專誠于子相拜揖濟
濟皆幹楨設具食四簋舉酒觴三行列宿映霞蔚

時入坐者

二十
八
入
新月開宵晴瓊林兆芳宴稽古推桓榮

日本刀歌用歐陽文忠韻

日本文字與華通七經孟子皆研窮刀背銘刻亦奇古
製作未辨闕西東匣中三尺方且直純青淡碧百鍊銅

大言一舉成功業豈惟剛卯驅灾凶江長州兮何處島

寶高所造猶完好

刀兩背各八字右曰一舉成功天
下太平左曰本國江長州寶高造濶

幅布題白龜年不審其時孰少老日南鱧魚出有神大

夏龍雀工亦巧此刀凝冰一片寒似有龍鬚雜荇藻太

平戈兵戢不焚吳鉤越劍今何存
島夷露陌非金錯
為有小篆摹陽文愛護唯恐字漫滅
不敢磨淬當雲津藏鋒歛鍔三公服鑄成盪冠徒云云

慈雲片影石

陶山母氏兆卅年始樹表未為守冢人
欲作移山老山遠不可移雲深不可掃
趺足感秋霜迴頭戀春草
片石方且嚴隆宸含窈窕得之菩薩巖
攜來仙人島山形具體微雲氣随心造
鳴夷隔繇邈馬鬣見環抱豈惟具袍笏
直令懷襁褓供養琴書閒對影憶幽討
疎窓入晴暉時有白雲繞

陶山詩錄卷八

六

七十二洞小石

大鈞搏物皆玲瓏七十二洞空復空
偶然縮作一拳石亦令竅穴紛旁通
我經葬母得虛擲頗疑峻嶺攢幽宮
今年尋躡列仙洞巖扃窟室何能窮
欲寫一圖識竒幻媿無妙筆追鴻蒙
山頭石類巨桃核天成滑膩無磨礪
眇其孔如指與筋滿山洞壑藏其中
袖歸恰伴慈雲影雲氣如縷蒸冥濛
湏臾吹萬入衆竅調調橐籥宣八風

石室書院和許生

桂林

仍用東坡和蔡景繁海州

石室韻

東海后孟傳經處禮門初啟無岐路
匡鼎說詩解人願

一掃別風與淮雨蕭公太傅子丞相漢時人物真有數
類以經術為名臣俎豆千秋仰祠宇賢哉教授有二疏
至今樓在還題墓蘭陵郊承瘁紛紜景行皆宜奠清醑
宋世詩豪石曼卿奇情自是芙蓉生朐山化作度索山
舒錦錯繡映巖戶蘇公游接蔡公游求仙莫羨童男女
我來觀海先觀瀾秦東門外色飛舞前輩風流不可期
後來秀傑誰能伍地道敏樹樹須栽春雨養花花正吐
重開石室橫臯比敢謝雷門持布鼓抗顏都講方鏗鏗
挾策從遊盡楚楚不聞冰車鐵馬聲但與博帶褒衣語
興學當追曲臺戴投詩輒遇平輿許名童俊句知襟期

陶山詩錄卷八

七

琪樹瓊林重風土願同河伯向海若直以耳孫求鼻祖
花老室荒匪自今經明行脩定如古笑余何術兼官師
朱墨丹鈔度朝暮

送孫淵如觀察之山東

還山每速出山遲敦迫頻聞檄傳馳養志重親原愛日
軫懷舊部要匡時會乘徒駭河邊筏猶問之采海上碑
見說旌麾行已過何期握手慰相思

漢南郡太守銅虎符歌

文帝二年秋九月初與郡守銅虎符一至第五各分半
左與為信右留都國家發兵遣使者至郡驗合通八區

景帝中二年七月更名太守秩不殊是年臨江王國廢
地為南郡當新除南郡重開江陵治銀童青綬朱轎車
至今留遺得判虎銅質金絲嵌篆書背文雖剖猶可識
背上半文曰與南郡太守虎符腰題左二無糝糊
晉上四字曰南郡左二此符大
不及三寸胡為完好千載餘嗚呼臨江賢且長膠東奪
嫡生巧誣江陵北門車軸折父老流涕祖路隅徵來中
尉遂引決萬燕銜土哀無辜坐令雄才襲富庶窮兵黷
武成空虛綉衣直指紛紛出二千石下皆前驅興擊收
捕盜不止子弄父兵仍被誅推求往事足炯戒何論珍
重麟駒震

陶山詩錄卷八

立春微雪

日望臘月雪忽驚臘將盡急走禱方望三日空憂憫愆
陽似初夏解裘易袂紛人言暖而寒乃為雪之朕但迫
六九頭未得徵瑞茵今晨鞭土牛果覺朔風緊移時凍
雨飄間有輕霰實跳珠霰先集碎玉夜方引雖遲慳已
破未厚懷彌軫燒燭宴賓朋圍爐話壘吟豈知人所期
天公無定準同雲拔地銷殘月出山隕杲杲射宮虹漣
漣化樓蜃竟無積分寸安望成廩困臘固不可迴春亦
殊太忍遺蝗或萌生宿麥恐枯窘無歲何有民其謫在

師尹

次秦竹活郎中敬衡寄懷韻

人生苦宦遊忽忽老將至每懷總角交况在風簷次會
面一何難省身良自媿十年重一別尺書無遠寄翻荷
郵長篇善歌和難繼憶昔童子科君才實寡二同時十
數人誰某豈能記盧植坐橫經面帖八九事未補弟子
員焉有師生誼余時竊慕君議論輒閱肆賦成秋水篇
文訂淮雨字君如玉樹森立可青雲致余為席帽遊少
有扁舟思出處不相聞蹤跡乃各異所居雖同里相隔
如畫地卅載春明門邸舍重交臂題我款乃圖雜誦常
數四君登秩宗曹我困風塵吏局步轅下駒翹首天閑
驥報最慙非才見訪服高義五十始再逢能無重意氣
君名已書屏大藩合分治經猷得敷施練習匪嘗試以
茲更事多定知為政易笑我勞簿書終日理情偽詎無
持竿約空有挈瓶智試思玉麟符何如竹如意他時當
結鄰此詩聊諷譬

陶山詩錄卷八

去年今年四首

去年有蟹無監州今年無蟹有監州

海州舊隸淮徐道
隸獄直達臬司今

去年冬寒多大雪今年冬暖多大風寒易凍餒暖易活

去年冬寒多大雪今年冬暖多大風寒易凍餒暖易活

但恐無雪無年豐小民何知知目眩熙熙負暄當牆東
去年力請振偏灾今年力請緩積欠振灾僅得七分施
緩欠尚有三年斂九年耕無一年食年雖小熟恐不贍
去年除夕還家室今年除夕前一日今年略比去年早
去年稍較今年逸何如邨翁坐圍爐雪虐風饕總不出

紀夢

夜夢山行看山石突兀玲瓏千萬尺迴巒轉壑窺空巖
像設森嚴錯金碧中有神氣備四時蒙俱曳杖面深赤
方疑雕琢自六朝五百應真環帝釋掃雲忽讀巖間碑
杏壇緇帷寫真跡肅然樞衣欲負牆名姓糝糊見題額

陶山詩錄卷八

十

且喜且媿行踟躕仰視崇臺列簡冊睇眄未上思奮飛
恍惚之間親几席偶拈一卷廣且長大字照眼光奕奕
方當佔畢披高文已有生徒拜逢掖醒時身在淮陰船
遲留三日東風逆念我拋書餘十年舊夢何來旅行夕
瑯環福地倘有緣便湏料理山中屐

讀周春田哭鮑三南江詩次韻

四十年來日月馳逢君便是別君時新詩足抵唐生哭

舊識深懷鮑子知樺燭已殘人老大玉樓初召事離奇

南江吾公應奇童識識面之後不相聞春明曾遇垂髫

隊謂秦竹吹笛聲中問向期

自省回州石湫道中

芻屋沙田傍石湫
曉風料峭野雲收
海壘潮湧聞犇馬
天末山橫見卧牛
民隱暗籌車轍上
春光纔到柳梢頭
相逢父老殷勤問
麥隴青青得雨不
野馬荒郊外
肩輿古渡閒
風聲低著水雲氣
遠浮山平楚春猶淺
芳阡雨太愜道旁逢
老叟翻為我開顏

望山

天光浸山脚
山如浮水上
還疑山是雲
與水爭盪漾
行漸近山天
空不可狀
見山不見水
唯有春雲盪

陶山詩錄卷八

十一

題畫扇寄子敬姪

劉

先弟三人今老矣
爾父讀書專望爾
爾今得補弟子員
三家俱有讀書子
秀才未便誇科名
讀書志業自此始
爾以文藝寄我評
我初讀之輒稱美
屬文作字皆斐然
從此精進進無止
爾弟能作吉祥畫
蓮為連科鵲為喜
人鏡芙蓉古所云
我欲勉旃求其理
虛中始可標清漣
苦心方得出泥滓
不向葉間逐魚戲
定起蓬累驚鵲起
爾父屬我題其筭
何以將之二十里
讀書第一莫憂貧
吾家累世清如水

春來無日不川塗觸目驚心媿綰符寒食清明人止冢
石田茅屋吏催租一身豈僅衰年病萬姓都如刺史臞
等是東風偏閣雨坐令南畝麥苗枯
雲臺禱雨疊去年韻
三年三度上雲臺三見雲陰合復開不為名山尋探數
都緣靈雨禱祈來霧籠青壁霏如霰潮起蒼梧駭若雷
夜夢樞衣趨絳闕神官仍許作霖回

延福觀

石樓重疊倚巖東紫氣侵尋上帝宮老樹雜花橫挂壁
天生十幅綉屏風

陶山詩錄卷八

十二

鷹遊門

南城復北城使海于有蔽東島復西島裨海環其外中
有鷹遊門洋線畫疆界前明政不綱姦宄通夷裔寇攘
莫能防漁樵無所避

國初遷其民裁之為棄地承平波不揚遺黎每垂涕
恩詔許復還田園重樹藝經今百餘年武尅不忘備斥
堠既增修營伍常守衛巡邏兼會哨巨艦修且製歲費
水衡錢不足責文吏那知船置灘徒為風日散豈有意
外虞所惜在循例我因閔雨來窮島察凋瘵浮海人所
難聊以鼓士氣人言官涉險總為民圖利返躬一循省

向若屢驚悸山田春亢陽二麥不吐穗海洲魚鮪淪網
戶空擊汰幸當極盛時尚未遂生計是誰之過歟責人
則已易失伍毋乃多敢問執戟隊

北極閣

真武為元冥職水位居北春陽曠且乾雲霓空孔棘匍
匐向元宮卜珙喜動色雲行雨施字分明見副墨是時
開朝暎晴空淨如拭有滄尚不濡既霽安可測暄和當
禺中燠朗到日昃忽然東風緊登樓見天黑四山暮無
雲濃陰已側塞須臾紛浙灑布濩溢溝洫入夜更喧阗
霑足誰之力登山涉遠海上下求難得告我何赫然敢

陶山詩錄卷八

十三

弗懷翼翼

棗香亭刈麥

亭旁有隙地廣可二十畝秋雨一犁深來牟二耜耦涉
閏冬阻春占厯窳與阜凸驗西北鄉窳徵東南藪春膏
乃常屯雪澤本不厚白雨祈始來黃雲遲又久時聞棗
花香築場初試帚奄觀鎌在腰相隨把入手亦有遺粟
穗何妨拾孺婦耕夫前致詞計畝僅數篋若逢大有年
苗秀高及肘收當倍釜鍾飲可徧雞狗我自糜廩粟豈
敢問升斗所憐廣斥區無飢祝八口麥秋纔半熟何以

養童叟

甲子河成自甲子橋放舟有述五首

禪海昔環郭巖城今隱山潮全歸巨壑水不到重關度
土千方外醜渠兩月間添波逢暑雨船已集橋灣

既竭丁男力當書甲子年天時如有會人事豈徒然卒
鮮泥塗病工竣水潦前陰晴常暗數宜役亦宜田

更喜闢幽宮鼉梁橫在中小橋當改作大石不須攻辟
立垂虹度波平畫鷁通老無題柱筆即紀歲時同

報道新橋漲前宵長半篙人皆來繫纜我亦試乘舸山
引三壺近風催五兩高渚涯見明瑟笑指是江皋

江左今都會魚鹽困此州新開石室秘敢避澤門謳陂

復傳黃鵠父老云橋有河機忘媿白鷗鼓橈向溝洫提闕視西

疇

響水口回船

昨宵放出龍溝口雨後飛流挾舟走今朝欲逐迴波迴
尺寸爭前忽已後南風日暮送潮來漫漫蕩蕩勢非陡
小溪大渚已反行不敢奔騰藏澤藪潮來靜如王者師
銜枚所至倒戈負又如鈞天奏咸池滿谷滿坑失瓦缶
潮上百川皆會同潮平兩岸餘培塿舟人乘月便乘潮
逆水翻搖順水橈不見來時澎湃處但聞夜語風帆高

送石室諸生省試

蓬萊瀛洲海中央環我石室生輝光石室諸生來濟濟
揚鬢振羽高騰翔州距行省九百里渡河沿淮沂江水
往還跋涉費不訾况為瘠壤孤寒士江南解額百有十
上下兩江萬人集州人至者十一二眾寡相懸豈易捷
新科甲子歲之元吾州抑鬱今當宣春渠五白東到郭
夏潮一日三平田鬻舍初開便欲滿棘闈雖遠皆爭先
挾策直起鍵關叟勸駕聊助辦裝錢有如作室兼漁水
眾志既定攻且堅或將文教功歸我我本俗吏何能然
鵬搏羊角奮水擊我為培風負其翼鯉登龍門逐雲起
我為驅雷燒其尾

陶山詩錄卷八

十五

消暑八詠

竹簾

湘紋七尺懸香篆一痕永庭樾淡炎曦院花移月影何
處問林於小坐事幽屏

蒲扇

好風不受招明月遲未上何以散煩襟齊紈非所尚清
颿與汝宜帆席度江漲

茗椀

沉李浮甘瓜豪門暑不渴我惟啜茗習習兩腋活可
憐觸熱人望梅蘓道眼

桃笙

含風碧瑠璃倦則枕書卧夢斷南柯遊覺向北窓坐秋
侵短榻生竹間疎雨過

蠅拂

數點變白黑羣飛擾眠食附驥爾無能揮塵吾何惜安
敢恣清談致令歌止棘

蚊情

狂者轟如雷黠者陰以刺懸帳以為防涼風佐清寐枕
衾毋少疎帳外方鼓翅

皂豆

陶山詩錄卷八

治身何太嬾汗膩乃一浴去垢丸澡豆出杆還盥沃振
衣恰當軒前山雨新沐

艾繩

胸臆生於庭艾納奪其氣束縵難枯莖舉足免重脛午
旗猶在門索綯時已至

望伊盧山

濯濯遠山出童童孤巒影雖無草木姿積鐵望深靜氣
脉若融結緬古思健挺鍾離楚名將失勢不得逞公亦
随手亡當局反不省溫溫糜將軍文武具忠鯁賓烟掩
其賢大義乃素秉斯人已繇邈斯山自清迥疑有隱君

子秋水橫煙艇

武障河觀漲

黃河飛流勢如馬南北六塘急奔瀉兩甄旗鼓足相當
法宜開辟更清野陶莊潰決懸未塞青伊碩項湖口哆
武障一河作關隘今趨合沓爭東下恍如洪爐巨鼎沸
黃金白銀盡融冶黃者為金白者銀清濁雖同無混假
獨憐泛溢及田疇深恐浸淫損禾把自笑滿篝祝豚蹄
差幸堆鹽富魚鮓至竟民力寧紆徐水勢上陳筆親寫

次韻送浣雲入都補官三首

鸞鵠何曾戀宿糧

浣雲前為令數十日即引疾歸

秋宵健翮稱高翔郵

陶山詩錄卷八

十七

亭遇雨重題舫山館招雲欲入房晨夕素心情倍篤海
天落水氣先涼知君雅善成連調肯為臨岐鼓一行

東觀南宮舊著名重瞻

禁省有餘情贊郎不礙張廷尉酒客原非阮步兵十載
粗官還累我五曹雅望斷歸卿可憐石室逢坡老題徧

秦東闕下城

飛去蒼梧欲化煙為按蝨簡近千年

同修州志故云

齊詩不敢

援匡鼎范史多因注李賢

沿革多於後漢書注得之

綠野亭前山木

古黃兒阡畔澗花鮮卷中甲子河圖在指點橋邊到日

邊

陶山詩錄卷八

陶山詩錄卷九

善化 唐仲冕 六枳

胸海三集

初度日行鄉作

中年歲月苦因循父母斯民媿此身不敢稱觴作生日

何妨掩鼻視陳人

時有相
驗故云

嬉遊市井原多壽醞釀胸懷

合貯春莫歎辛勤向阡陌由來骨相是勞薪

今歲秋成往歲稀家家高廩護柴扉社祠擊鼓兒童舞

隴首棲糧鳥雀肥正喜納禾風獵獵還宜種麥雨霏霏

去年此日秋零急時序推遷又授衣

陶山詩錄卷九

柴市

水市橋頭日正斜蒹葭影裏見漁家小陽天氣行人暖

錯認蘆花作柳花

祠竈日舟中作

家人有嚴君善惡必奏錄天高聽以卑準之為禍福下

民畏無隱膠牙乃私祝我則竊之言敢云行盡淑既當

伺幽微豈弗叙勞碌宜言下土臣賦性少回曲半生嘗

苦辛伏臘無休沐比户方祭陘行炷獨水宿營尤固多

端跋涉或可贖頭令長路餽何妨飯脫粟勞佚得均施

富貴非所欲陳詞我無媚司命爾其告

高郵舟中除夕二首

風利不甯行船家作

去聲

除夕檣竿懸燈火鷁首插松栢

婦子羅酒漿

耦伍

布筵席我乃召長年促以赴郵驛臘

月東南風樣

杌

殊可惜長年啞然笑歲月駒過隙官以

官為家儂以船為宅好風尚可逢殘年豈輕擲矧茲十

幅蒲非如千里翻沂淮三日程遵海重雲隔縱抵郁州

山亦非瀟湘澤官嘗官黃浦儂猶記疇昔星霜曾幾何

鬢鬢已全白未解所營營母乃徒役役舟中無長官酣

歌容岸幘官當快舉觥與儂共一適

憶昔孝廉船良友同度歲今謁大府還相對惟僕隸睹

陶山詩錄卷九

彼駕船人動我歸家計慈尤幸相依謂爾當小榻有弟

隔衡雲雁字或遠滯操家憐羸妻愛女違快婿大兒守

青氈湖湘望迢遰諸兒方向學簿領荒課藝衰年喜抱

孫眸盤無手

綴

前二日為
翰孫周眸

空懸煖熱歡總為簪組繫古

賢國忘家文武各名世蓮燭送子瞻雪夜擒元濟而我

實癡歎少壯已不逮空驚節物移年華逐波逝

元旦發高郵簡寶應萬廡山明府二首

乙丑

寒雲開甃社旭日照壺山好趁江帆便相隨海鶴還舟

中新舊歲湖外短長灣邨市聞鼙鼓嬉游意自閒

鬢髯添幾許肺病又經年歲月殘杯酒功名上水船促

程雙堦問鼓浪一鷗先雅欲趨齋閣知君化鵠仙

聞廉山赴

紀春夢

立春始渡河夜宿沐水濱五更方欲起三夢信有因初
夢著軟履左乃鳳鳥新自云鞋者偕偕隱同鹿門忽夢

亡友魏

謂魏霞城標

詩寫板扉勻題筆面牆立朗誦陶潛文

聽似桃源記落英數繽紛又誦歸去來全篇細吟呻誦
至感吾生行休動悲辛我亦噉然哭嗚咽意難申魏子
昔未死預夢為鬼魂既死復夢我相屬何殷勤哭覺旋
入夢被容易冠巾冠簪無殊階晏胡短且焚科頭觀雜

陶山詩錄卷九

三

劇提攜子若孫叅軍兩農夫荷鋤媚生春突傳迎貴官
歌吹逼我陳三夢同一解何妨異悲欣多謝春夢真指
點夏畦人披衣出登車東風拂行塵

立春日渡黃作

青旂飛舞條風前行人獨渡黃河船黃河雖是落槽水
猶與淮泗爭騰騫去年河漲淮水落漕艘兩月無能牽
宵旰憂勞官吏恐排黃灌清清黃連咸言

懷柔感翁河通漕受兌經新年都水使者籌善後淮堰
加築功當先攄猷建議久未決祗今漕運猶迤邐或言
蓄淮淮易泛雲梯壅闕無由宣欲改河行出灌口其害

豈僅傷民田禦黃東清有成法胡弗循舊求安全節帥
今為武功裔碩畫好繼文襄賢我非賈讓上三策徒誦
元虛賦一篇從者蹇驢嘶半路輿夫羶笠賴雙肩但願
海濱春麥熟五風十雨容華顛

送陳簡亭制府

大文

入為大司寇

帝謂江南政因循少治功建賢三省督問俗百城雄條
教聲先肅芑苴路不通贛君裁墨綬廣漢削書簡吏踏
春冰上人趨夏日中間羅窺冷面慈佛仰淵衷衆口憎
孤介

皇心眷至忠棠陰留召伯棘木命蘇公守內嘉師福

陶山詩錄卷九

朝端宿望崇單車催載道末秩感承風蹇步憐塵騎焦
音識鬢桐為誰彈古調從此羨冥鴻

公每謂余古調獨彈

即事二首

墻頭小杏冷如梅頗怨遲遲春未來曉日半窓紅照眼
東風一夜已吹開
楊柳青青又一年杏花桃藥鬥嬋娟却憐老柏蒼如許
也借春風著色鮮

閏六月朔雲臺禱雨二首

野宿不能寐披衣行入山四圍青電掣一徑綠蘿攀向
曉霧迷目衝風寒到顏郊原苦焦灼喜聽澗潺湲

東海蛟龍窟南方草木香名山自靈異神物豈潛藏下
土丹誠歷高居絳節揚階前俯衆壑雲擁樹千章

被檄往鹽城撫卹水灾次韻陸春甫明府六首

聞道洪濤百里驚射陽湖與衆川平人家在水中央住
野艇乘岡頂上行灑澹飛章勞大府顛連請命賴專城
劉公一紙書勤重力疾愁余太瘦生

並海遙通鹹瀉地震鄰更訝水雲鄉急趨期會當馳傳
豈果痼瘵善林荒閔雨郊原秋漠漠挈舟浦溆曉蒼蒼
河魚乍起還增劇攜得芎藭麥麩香

孤邨懸釜見晨炊引手東流欲障之大禹至今留鐵柱
陶山詩錄卷九

長淮何事走巫支門迎老嫗無塗血星近南河有積屍
漫倚疎庸宣渥澤閭閻疾苦費周咨

梁稻難謀雁不如淒涼婦孺繞墻隅渚涯何處辨牛馬
榆柳無煙棲鷺鳧軫念朝飢原急務多方疏濬是良圖
國家豈惜金錢費卒歲那堪庚癸呼

亭戶耕忙隔一隄分持提閘理難齊竈煙沈海潮先上

湖浪兼天日正西潮已浸竈民始決堤使者必欲築之適湖水大漲民乃譁然攘袂

督郵寧達變停鞭長吏倍含悽范公本為田廬護愁對

波臣面色鰲

張觸長歌續短歌空隨漁釣泛滄波信臣果盡循行未

長孺其如善病何羞逐羣材爭得失迴思少壯惜蹉跎
勸君更擴仁民術州縣官卑利濟多

清江遇劉松嵐觀察大觀即以贈別

覲面自今日論文已十年重雲通筆札一揖問詩篇興
欲傾家釀官如種石田天涯幾同歲獨我鬢蒼然予與君同

歿酉生因言法時既謝薊泉楊蔭棠孫淵如李松雲皆同歲生也

漂母祠

淮陰一生誤在報謂我報人人報我解衣推食當酬恩
烏盡弓藏竟罹禍王孫一飯母先哀望報分明指禍胎
可憐缺望夷鐘室何似全身返釣臺張韓以外功皆徇

陶山詩錄卷九

六

張也辟穀韓授首竒才感動兩神人一黃石公一漂母
鏌兒作瀟湘聽雨圖寄其兄鑑請題其端二首鑑寄

弟書引坡公寒燈夜雨之句故有是圖

老屋倚湘水瀟瀟曾飽聽繫官春草綠傳子夜鐙青琴
韻通鴻雁詩情寄鶴鴒為渠聊著墨張觸舊煙汀

句憶短檠對圖披秋水深乳懷自天性式好即親心豈
以闕河隔而忘風雨吟二蘇才莫逮此意好追尋

五十三初度禱雨龍洞

生來骨相宜山水生朝謝客避城市問俗常親白版扉
放衙敢卧黃紬被是時秋杪近重陽夜無風雨朝無霽

驅牛徧野未種麥屏驕出郭先焚香焚香不為我躬祝
作官最怕民生感民能果腹登千箱官已綏眉受百祿
孔望山前有龍洞洞中水洄寒煙凍飛鳥猶衝落木風
歸雲自逐游仙夢洞額舊題
歸雲飛鳥百年過半何所求十日不
雨心繁憂喚起龍公便鼓鬣勝如海屋來添籌

九龍澗

龍靈在行雨不雨安貴龍得一或淵躍用九當雲從由
來衆壑水滙作羣龍宮斷澗卧鼉梁絕壁蟠虬松如何
山滌滌不見波溶溶乾翠掃銀杏落葉飛丹楓時方度
重九何以慰三農毋乃亢有悔詎竟潛勿庸我懷閔雨

陶山詩錄卷九

七

志顛藉蘇枯功竚看階尺木便欲投孤筇

小舟即事

淮水一瓜皮三更月上時忽逢人見奪自笑客何之極
溺空懷抱從公老鬢絲霜蓬眠未穩苦憶釣竿持

引鏡

聞人道衰老引鏡自驚疑邱壑竟如面星霜都上眉迴
頭憐馬齒反背笑雞皮來日更何似功名事可知日下

十一月十八日

老樹無春枝長飈撓不止枯荻有燒心寒暉照不起君
子終身憂只此一日耳如何事驅馳不獲莫筵几匪惟

缺莫馱鞅掌忘之矣三釜不及養五鼎空陳祀矧以勞
忘憂希榮而得恥放舟入波濤行殆悲遺體

雜詩四首

客從嶧陽來遺我鳳尾琴授我高山操滌我流水音一
奏箏琶寂對鼓鸞鶴吟自從客行遠挂壁生蠹蟬古調
不獨彈誰能知此心客去何時還餘韻猶惜惜

揖客四達衢失我瓊瑤佩登舫且挂帆既失復何悔試
令轉尋覓情同簪履愛得之兒童手珠還喜且嘅刻舟
笑冥索墮甌絕迴睽有美當自珍不求誰與賚
對奕輒先敗好勝角庸猥對酒輒先醉痛飲冀醒解庸

陶山詩錄卷九

猥亦漸勅醒醉或幾殆毋友不如已過則勿憚改

客有相馬者所得誇馱馱不惜千石粟但養千里蹄歷
塊不稱意豈駕何足詆豈知逸而蹶將伯聞哀嘶何如
擇安閑致遠理亦齊塞淵思無邪此道無終迷

即事

客從桂林來遺我黃藤箸良金蘊其質精鏐飾其注云
當食有蠶可以飽而飫又云蠻煙中蚺蛇大如樹殺之
則首靡佩之則瘴除我云大江南驅放出沮如聲華盛
賓筵饗餐無他慮豈知穀之飛先腐實生蠹心思象可
吞影入杯難吐蠱毒與蛇孽其來不知處感君借前籌

何須笑槃歛

鹽漬水

鹽漬水注川谿鹽漬人家爭築隄水日長隄日低大隄
為藩小隄樓十家相比百家齊敢有窺隄者終夜敲鉦
鼙東隣有沉民數十為羣雜旄倪擊舟嚮隄倚隄宿隄
中大猶紛糾稽跽其少壯且絅之老幼婦女喧號唬夫
紡顧其妻母方乳其兒盡投之水以滅口三十六命如
犬雞更有甚於此覆之以舟燔以燧舟底逸出蓬頭婦
橫楔隄口加畚泥其他纍纍奠魚腹波聲處處聞悲悽
是時官奉

陶山詩錄卷九

九

詔振郵徧烝黎及其發覺時猶與寬假稱排擠豈知沈
寃不可赦輸情定讞屠鯨鯢射陽北范隄西
國家金錢不惜二十餘萬兩大吏施糜佐羹藜如何死
於殘殺死於法雖有萬手無由提

袁浦水

袁浦水夜半來人家爭起登樓臺樓上水深二三尺人
猶守護樓下財樓下財不可保樓上瓦不敢開水高及
簷樓已摧是時障河修五闌大舸小艇淮之隈齊呼叩
須無一至嚴寒助虐冰崔嵬大官騎馬出小吏乘桴回
急散金錢與糗糧便死不顧蒙解推百年弩賄悉蕩析

縱活數日終沈薶民哭官亦哭朔風為之哀陽侯不肯
退濁浪增喧颺枯槁三百不能減尺寸人力難展真天
災

聖主籌河有先識藉黃濟運為禍胎都水使者方寫駕
親覓漂沒多遺骸水衡糜百萬薦剝登羣才如何蟻穴
一潰成巨浸坐令厘邑生蒿萊

署中吳子野張卑羽以快雪歌聯句用歐陽禁體

韻見寄次韻會之

江路野梅初綻萼寒門風日互迴薄溝漫一夜膠行舟
雪勢欲作不能作關心遙繫海邦窮開戶仰窺天宇廓

陶山詩錄卷九

十

若令廣斥猶愆陽如此心付焦爍失喜新詩傳吉語
首言未雪雨先落沾濡已足滋根荜凜烈真能奪狐貉
瓦埽鴛鴦漸堆積庭壑狻猊似犖櫻桑田千尺埋遺蝗
蔀屋萬家喧凍雀聯吟頗憶客乘槎執訊倍憐奴躡屩
于役幾同鴻雁嗷歲暮難云蟋蟀樂水衡不惜頒金錢
澤國誰能奏疏淪且喜三白饒吾州默為羣黎謝冥漠
側聞符籙擊鵝鴨未免荏苒勞劍槩書生寸鐵不須持
莫便銷金快嗚喙

立春日鹽城登舟王筠屋明經以詩卷見寄

晴雪初開射瀆煙行人恰上櫂頭船澤中鴻羽知寒退

江上梅花有信傳
宦况真如殘臘後
歸蹤還讓早春先
拳拳獨有東臯子
急遣長鬚寄一編

祝雞篇

東家祝雞翁養雞日蕃孳愛雞慮雞飢不惜米粟飼專
愚付粗婢謂可無欺偽項之雞竟飢婢無竊粟事或為
蛇鼠耗或供烏雀餌隣人偶為言不信繼以詈呼雞試
投粟羣雞爭且曩久飢飼難飽傾甕至數四主人無如
何嘅歎輸所積不與粗婢誅反向隣人對

牧羊篇

有羊三百羣爰擇牧人牧時其飽與飢付之芻及粟豈

陶山詩錄卷九

十一

惟閑降飲亦復馴羝觸爾羊生日滋爾牧功可錄他牧
或惰窳其羊苦蠱瘕謂爾置爾羊姑往監其畜鞭後爾
無權亡岐爾當扑歸而視爾羊麾肱費追逐臧獲同見
譏五殺竟誰贖不考牧辛勤安望羊蕃育

督賑事竣回州

喜說三冬雪兆祥同雲今又護歸裝邦人頗怪回車緩
田父都緣種麥忙苦逐簡書消歲月便將州郡當家鄉
黃童白叟迎門笑笑我新添兩鬢霜

送竈二首

設醴蔬果潔盤盂稽首陳辭敢獻訣終歲何曾黔墨突

此身只合踞聃能巖君共仰生同井老婦相隨酌以壺
見說朝天催上道餞筵兼備馬青芻
下臣難達衍波箋憑仗封章奏九天敢道徒薪當坐上
斷無湯竈尚遮前不甘舊爨因人熟但願新炊被野煙
耳聰歸來好消息粗盃一醉樂迎年

種樹篇

種樹欲成陰種草欲盈砌成陰難待松與栢盈砌不求
蘭與蕙松栢礫硠多節目蘭蕙幽芳在空谷惟有樗柳
及蕭艾用力既省成功速樗柳豈無材蕭艾亦有葉公
輸與靈均棄置目不涉天生此物何太多人實種之將

奈何

陶山詩錄卷九

十二

杯棹舞

棹徑尺六滑如鏡光如燭承之以箸旋轉速在右復在
左拋空何帖妥忽將雙箸並擊棹其聲鏗然棹不墮故
作側勢為風擺荷故作落勢為魚擲梭觀者正襟危坐
倏睥眦而驚訶主人性不耽管絃愛此妙技如僚九誇
客重開宴鼓勇亦竒變大棹長竿若建輪注吻點額無
側弁自頂至踵背及胸投之所向罔弗便坐客歎觀止
作者殊未已欲以險見竒手舞還足抵跌宕置鞞尖極
竿棹自起欲承未承瞬息間墜地砉然棹碎矣滿座失

色主人笑一碎正堪垂世教

正月五日大伊道中遇雪二首 丙寅

牧人夜夢魚游沼騶子朝驅馬度橋乍覺嶺頭雲欲墮
便看衣上雪初飄苑檐靜閉宜春帖麥隴深培出土苗
行傍山溪溪畔柳凍煙深處已封條

河流尚合隔年冰野老還誇卜歲登春到更添冬霰霰
陸行偏較水凌兢長隄帽影齊披絮短釣溪聲或躍罾
鴉噪暮林天未暝邨童早試上元燈

陶山詩錄卷九

十三

10205

陶山詩錄卷九

